

東
華
續
錄

臣朱壽朋敬編

臣章士璩恭校

十一月壬午諭軍機大臣等開平煤礦係國家籌撥鉅款提倡創辦奈王島爲我自開口岸疆土利權均關重要豈容擅賣前降旨責成張翼設法收回如有遲誤惟該侍郎是問至今數月之久仍敢支吾拖延迄未收回實屬罪有應得張翼著先行革職仍著袁世凱嚴飭張翼勒限收回不准稍有虧失倘再延宕定將該革員從重治罪並著該督切實挽回俾資補救以重疆土而保利權○癸未張百熙等奏上年臣百熙於召對時曾蒙 慈訓深以教習之才爲念當經奏陳京師大學堂宜派學生出洋分習專門以備教習之選計自開學以來將及一載臣等隨時體察益覺資遣學生出洋之舉萬不可緩誠以教育初基必從培養教員入手而大學堂教習尤當儲之於早以資任用查日本明治八年選優等學生留學外國至明治十三年留學生畢業歸國多任爲大學堂教員迄今博士學士人才衆多六科大師取材本國從前所延歐美教員每科不過數人去留無足輕重而日本之留學歐美者尙源源不絕此其用心深遠可爲前事之師臣等忝膺學務夙夜焦思固知中國大學分科照目前物力士風而論求其規制完備程

度高深恐非三四年所能猝辦而仰窺 聖明垂意之殷環顧舉國屬望之切精神所注終底於成而應多派學生分赴東西洋各國學習專明以備將來學成回國可充大學教習庶幾中國辦理學堂尙有不及待借材操縱自如之一日早爲之計應用無窮及今不圖後將追悔現就速成科學生中選得余榮昌曾儀進黃德章史錫倬屠振鵬朱獻文范熙壬張耀曾杜福垣唐演馮祖衍景定成陳發棧吳宗栻鍾漢言王桐齡王舜成朱炳文劉成志顧德鄰蘇渣朱深成竊周宣何培琛黃藝錫劉寃執席聘臣蔣履曾王曾憲陳治安等共三十一人派往日本游學定於年內起程會同奎何育杰周典潘承福孫昌烜薛序鏞林行規陳祖良華南圭鄧壽信程經邦左承詒范紹濂劉光謙魏渤柏山等共十六人派往西洋各國游學定於年外起程該學生等志趣純正於中學均有根柢外國語言文字及各極普通科學亦能通曉大凡置之莊嶽假以歲時決其必有成就此外尙備取數人防派定學生臨時或有疾病等事可以更易日本學費輕省往返便故派數較多頗慮其沾染近時游學惡習 臣等接見自日本來京之中外各員一再詳究輒稱凡議論囂張任性妄爲者名爲出洋學生實則閒游生事並未一日就學其真在各學校肄業生徒大都循理守法力求進步等語近詢戶部右侍郎 臣鐵良新在日本所見大概相同 臣等仍當嚴定規條豫防流弊於學生臨行時以忠愛大義學成致用諄諄訓勉學期約以七年爲率西國十六人統計

需費十萬餘兩日本三十一人統計需費九萬餘兩而川資等項尙不在內極知常年鉅款力有不支然
爲培才起見自當勉爲籌辦擬在大學堂實存項下撥年提撥開單奏銷其餘一切事宜悉遵外務部議
覆出使各國大臣籌議出洋學生章程及湖廣督臣張之洞奏定約束獎勵各章程斟酌辦理 上諭軍
機大臣等本日張百熙等奏選派學生前赴東西洋各國游學一摺師範學生最關緊要著督學大臣擇
其心術純正學問優長者詳細考察分班派往游學餘依議○甲申諭軍機大臣等有人奏川省盜匪復
熾請飭嚴禁燒會並請罷白蠟公司一摺著錫良體察情形妥籌辦理另片奏威遠縣知縣徐樾縱盜殃
民馬邊廳同知陳再廉貪暴恣橫署羅江縣知縣翁在玘昏惰貪婪各款等語著錫良按照所參各節一
併確查具奏毋稍徇隱原摺片著鈔給閱看將此諭令知之○商部奏 臣部接據檳榔嶼新嘉坡小呂宋
商董聯名稟稱商等散處南洋各埠多係籍隸漳泉兩府之人福建商務之興衰尤爲關切前閩浙總督
許應駟奏設保商局於廈門遵奉 上諭遴選公正紳董妥爲籌辦不准關津胥吏藉端勒索嗣竟僅以
委員司其事奉行不力上下情離凡閩人由南洋歸來接人抽收局費並無遴選公正紳董設法保護之
實際致令怨聲載道擬請奏派公正紳董駐紮廈門辦理保商局務以聯商情而蘇民困並將保商局積
弊如紳董以市儈混充有名無實委員司事人等半支乾修商人被人欺凌投訴不理添募勇丁尤多虛

類商人行往來未嘗隨送出入款目從未造報商人往來任意勒捐請領執照多方留難斂取商民之
資財有名無實半歸糜費南洋華商至以勒捐局目之等情刊單呈遞前來上等查福建保商局辦理不
善弊竇滋多先經御史葉題雁奏參奉 旨飭查前據兼署閩浙總督岑善耆據實查覆請將督辦不力之
道員延年等分別懲處並聲明現奉 諭旨設立商部飭令各省分設商務局廈門保商局既與商民隔
閡應即裁撤附入擬設之商務局專選士商信服之公正紳董認真督飭實力整頓將進出款目紳董銜
名按月通報查察等語本年十月十六日欽奉 上諭著照所擬辦理等因欽此是福建保商章程業由
閩浙總督遵 旨妥為釐訂以後閩省回籍華商當可實受保護之益該商董所請添派紳士駐紮廈門
一節自可毋庸置議仍由 臣部咨行該督迅將改定章程並所派紳董銜名咨報 臣部查覈惟下等伏查
華商出洋貿易不下百數十萬人南洋各埠略分閩粵兩幫若歐美各洲尤以粵商為多光緒二十六年
正月間兼署兩廣總督德壽奏明先在省城設立廣東保商總局派公正紳管理省外沿海各處俟辦有
成效再行體察推廣奉 旨允准在案該局自開辦以來有無成效商民往來是否稱便省外各處曾否
推廣事越數年未據奏咨有案應由 臣部咨行該省確查覆覆並將章程送部備案以防日久懈弛此外
沿海省分亦不乏出洋經商之人本年二月二十三日奉 上諭現在振興庶政請求商務一切應辦事

宜全在得人尤應體恤商情加意護恤各埠華商人等凡有因事回華者其身家財產均費成各省督撫
嚴飭地方官切實保護卽行奏定章程奏明辦理等因欽此欽遵在案現在各該省疆臣會否各就地方
情形妥定章程設法保護臣部無憑查察相應請 旨飭下直隸兩江兩廣閩浙各總督山東江蘇浙江
廣東各巡撫一律奏定章程奏明辦理總期旅居華商樂歸故土以仰副 聖朝惠愛僑民無遠弗届之
至意又奏上等查保商局閩省設於廈門粵省設於省城卽使逐漸推廣亦祇沿海各處不及腹地俾因
華商回籍後地方胥吏遇事刁難里族芳民藉端苛索或詐取重賄或勒令捐資不得已據情控訴官不
爲理甚至有挾貲歸來不數月而蕩家破產者似此種種情弊州縣抑不上聞督撫無從查究致令海外
僑氓不得安居故土現在疊奉 諭旨招徠華商興辦一切事宜若不力除積弊深恐裹足不前尤失
朝廷一再訓誡之意並請 旨一併飭下沿海各省督撫嚴飭各該管州縣隨時認真保護遇有以
上苛待情事查明按律嚴懲以恤商艱而通民隱 上諭商部奏出洋商民回華請飭各省切實保護各
摺片出洋華商以閩粵兩省爲最多並經諭令該督撫切實保護逐漸推廣若如所奏華商回籍後地方
胥吏遇事刁難里族芳民藉端苛索勒詐據情控訴官爲不理種種積弊成何事體亟應嚴行查禁認真
整頓著沿海各省督撫嚴飭各該州縣隨時隨事實力保護如再有前項情弊卽行按律嚴懲以恤商艱

而通民隱餘著照所議辦理○乙酉大祀 天於 闕丘 上親詣行禮○丙戌諭軍機大臣等奕劻等奏籌款練兵各摺片內指撥加稅及舉辦印花稅兩條著戶部妥議具奏○諭軍機大臣等百度之興端與經費現值帑藏大絀理財籌款尤爲救時急務前經戶部通行各省整頓煙酒稅以濟要需乃報解之無多實由稽徵之不力據直隸總督袁世凱奏直隸抽收煙酒兩稅計歲入銀八十餘萬兩以直隸彫敝之區猶能集此鉅款足見該督公忠體國實心任事殊堪嘉尚卽著鈔錄直隸現辦章程咨送各省責成該將軍督撫一體仿行並量其省分之繁簡派定稅款之多寡直隸一省卽照現收之數每年仍派八十萬兩奉天省每年應派八十萬江蘇廣東四川各省每年應派五十萬山西省每年應派四十萬江西山東湖北浙江福建各省每年應派三十萬河南安徽湖南廣西雲南各省每年應派十萬甘肅新疆各省每年應派六萬通計以上二十一行省每年派定稅額共六百四十萬兩殊於國計有裨仍於民生無損良以煙酒兩項徒供嗜好之用並非生計所必需雖多取之而不爲虐且可以寓禁於徵東西各國於此兩項權稅特重意亦爲此經此次派定稅額之後各該將軍督撫務卽遴選妥實明幹委員實力奉行認真稽徵並明定賞罰如有收數足額或逾額者准其將尤爲出力人員量予優獎以資激勵倘收不足額亦卽分別究辦督徵不力定惟該將軍督撫是問其直隸經徵出力之員卽著該督擇尤請獎以示朝廷

有勞必錄之至意各該將軍督撫等毋得視為具文除奉天吉林廣西暫行緩辦外將此通諭知之○諭
軍機大臣等現在國步艱虞百廢待舉而庫儲一空如洗無米何能為炊如不設法經營大局日危上下
交困後患何堪設想查近年來銀價低落各省不無懸殊其向以制錢折徵丁漕各州縣洋收甚多而應
徵之房田稅契報解者什不及一各州縣身擁厚貲坐視國家獨為其難稍具天良當必有愍然不安者
在各督撫每以保全優缺優差為調劑地步不肯實力清釐而不知國勢岌危大小臣工奚能常享安樂
該督撫等受恩深重又何忍因見好屬吏至負朝廷若自光緒三十年始責成各督撫將該屬優缺優差
浮收欸目澈底確查酌量歸公並將房田稅契切實整頓歲增之欸各按省分派定額數源源報解除新
疆甘肅貴州及東三省地方瘠瘠免其籌解外江蘇廣東兩省每年應各派三十五萬兩直隸四川兩省
每年三十萬兩山東省每年二十五萬兩河南江西浙江湖北湖南各省每年各二十萬兩安徽省每年
十五萬兩山西陝西雲南廣西福建省每年各十萬兩以上計十六省通共每年派定三百二十萬兩
各該省地方情形實有為難准其在本省各項原有中飽陋規內酌量籌補必須籌足定額為度不准稍
有短欠至各州縣無名之費不肖者相率逢迎餽送賢者亦不免酬應辦差闕靡誇奢侈泰無度不但虛
耗物力抑且敗壞官箴當茲剗鉅痛深之時宜勵齊瞻臥薪之志該督撫等務當整躬率屬痛予禁除其

所節省當亦不少如此認真整剔何患鉅款難籌倘仍玩愒因循習常蹈故致所定額款解不足數定惟該督撫是問將此通諭知之○丁亥諭近來督撫助輒奏調人員並有此省方調彼省復有奏調者其中難保無請託徇私情弊且各該省候補人員甚多何至乏人任使嗣後非軍務省分不得紛紛奏調以杜倖進○予河南輝縣烈婦王陳氏旌表○己丑諭國家論功行賞原以鼓舞人才應如何登明選公格外慎重乃近來內外臣工保奏之案層見疊出甚至以尋常勞績助輒優保多員又或指請送部引見希圖特有相沿成習難免冒濫嗣後非事關重要實係異常出力者不准濫行優保如有才識出眾名實相副之員著各省將軍督撫將其辦事實蹟臚陳具奏候旨施恩不得指請破格錄用及送部引見庶於獎勵之中嚴杜倖進內外諸臣各當破除情面遇有保案務宜詳慎酌核用副朝廷延攬真才實事求是之至意○諭奕劻等奏請簡派練兵處差使各摺片商部左丞徐世昌著開缺以內閣學士候補充練兵處提調直隸卽補道劉永慶著充軍政司正使直隸補用道段祺瑞著充軍令司正使候選道王士珍著充軍學司正使均著賞給副都統銜餘依議○庚寅諭軍機大臣等有人奏河南武安縣知縣周光昌浮收錢糧賄竇詞訟種種賈劣請飭嚴查等語著陳燠能按照所參各節確查具奏毋稍徇隱原摺著鈔給閱看將此諭令知之○辛卯諭軍機大臣等袁世凱奏差務太繁請酌開去各項兼差一摺前因庶務殷繁以

該督向來辦事認真特加倚任先後派充商務鐵路電政大臣並曾訂商約商律各事宜及督修正陽門工程茲據奏稱兼差太繁力難兼顧自屬實情除商約尚須續修鐵路時有交涉事件均關重要著毋庸開去電政市歸官辦一切正資整頓仍著該督督辦至商務商律現已設立商部即著責成該部詳議妥訂正陽門工程著陳鑑就近督修俾該督於應辦各事專心經理以示體恤將此傳諭知之○欽程德全副都統銜署理齊齊哈爾副都統○轉唐文治為商部左丞以紹英為商部右丞轉王清穆為商部左丞議以楊士琦為商部右參議○癸巳 上詣 奉先殿 壽皇殿行禮○諭理藩院奏遵議瑣圖重案辦理完結出力之察木多錫瓦拉呼圖克圖阿旺濟克美青饒丹增稱勒等獎敘請旨一摺察木多錫瓦拉呼圖克圖阿旺濟克美青饒丹增稱勒等於辦理瑣圖重案均資得力加恩錫瓦拉呼圖克圖阿旺濟克美青饒丹增等並給與誠懌師名號甲拉克呼圖克圖阿旺丹卓俊乃稱勒曲結堅參賞給博善禪師名號仁了諸門等並給與藏土丹濟克美嘉木磋賞給博善禪師名號以示獎勵餘依議○甲午貽穀奏奴才於十月初二日由張家口勘辦墾務回綏接准戶部飛咨飭將察哈爾左右翼墾務局現收押荒銀兩先行派員解交部庫以供鼓鑄之需等因伏念奴才奉 命督辦蒙旗墾務原期振興邊利裨益 國家但涓滴之已儲恆輸將之恐後矧值部庫待款孔亟更有不得不提前辦理者查奴才前兩次奏報察哈

爾右翼盟鎮寧遠兩局現收荒價銀十五萬餘兩左翼張家口局現收荒價銀八萬餘兩係統舉其數辦公銀兩原在其內茲部奏內稱應令查明此項應收銀數有無辦公銀兩在內迅速聲覆等語不知奴才上年先後奏陳察哈爾兩翼墾務辦法擬定每畝荒價銀三錢當因該兩處原辦章程每畝止收押荒銀二錢並於二錢內開支經費歸入公家者較少是以議加一錢每畝收銀三錢以新加之一錢六成作為墾局經費四成作為蒙旗協同辦墾之費押荒到公每畝實收銀二錢較前增入公家之數約在一成以上而又扣除一切私費是每畝三錢分言之則押荒銀二錢局蒙辦公銀一錢合言之則押荒辦公統為荒價也奴才前奏曾將兩項併計以現在並非奏結報銷無須逐款分晰查此項右翼地畝荒價截至本年六月收銀十五萬餘兩除經費外計押荒銀十萬兩零而山西添設口外廳治經升任撫臣趙爾巽奏指動用此款為辦公需用當由奴才前後分撥新添之五原武川陶林興和等四廳共銀一萬二千八百兩又興修達拉特旗渠工撥用銀二萬餘兩現實存右翼押荒不及七萬其左翼荒價前奏收銀八萬餘兩除經費外計實存銀五萬餘兩而前因開辦之初需款浩繁動用經費二萬餘兩現實存左翼押荒三萬餘兩兩處合計共銀十萬兩之譜現既部庫異常匱乏整頓財政鼓鑄銀錢實有待米為炊之勢自應極力籌措生其所急遵由右翼墾務押荒儘數提銀七萬兩由左翼墾務押荒儘數提銀三萬兩共庫平

銀十萬兩於光緒二十九年十月二十九日發交號商存義公合盛元大德通匯兌至京限十一月內前赴戶部投納應用以後續撥押荒本應仍行悉數解部惟督省設官伊始一切修葺建獄興工警察保甲在在均不可緩需費甚殷業經趙帥奏明由豐寧押荒項下動支借償挹注口外地方重要不能不並顧兼籌擬於右翼押荒所入截留四成撥充督省新編經費至左翼應收押荒復經直隸督臣袁世凱奏請援照前案留充直隸經費察哈爾餉源支絀所請留撥押荒分充防餉察核大概情形較上屆尤為緊要奴才亦應力為接濟復擬於左翼押荒所入截留四成以二成撥歸直省一成撥歸察哈爾為分濟邊防之用其餘續收六成押荒俟集有成數卽行陸續解交部庫以備鼓鑄要需如此變通辦理內供周轉於司農外助維持於疆吏於國計邊籌兩有裨益下部知之○丙申諭各省軍政各督撫照例設營務處派監司大員總辦以專責成立法未嘗不善乃承辦各員往往視為例差不能認真經理甚至役使勇丁提扣口糧統領營官私送公費遇有查閱等事臨時敷衍蠅頭細故辦會辦尤為虛設軍政之壞半由於此積習相沿實堪痛恨著各該督撫凡派辦營務必須擇精明幹練操守嚴正之員不得以庸軟不職充數嗣後如有缺額扣餉訓練不精等弊一經發覺卽行奏參嚴懲其襄辦會辦名目卽著一律裁撤以肅軍政○諭軍機大臣等有人奏州縣盜殃民劣紳聚眾滋事請旨查辦一摺據稱江蘇銅山縣知縣陶在

銘藉辦團爲名按歛斂錢又苛派房捐借用劣紳周有道林之祇二名設黨聚徒劫案迭出並有玩視人命等語著魏光燾恩壽按照所參各節確切查明據實具奏毋稍徇隱原摺著鈔給閱看將此諭令知之○飭山東省城建設准軍昭忠祠○己亥驗軍機大臣等前據練兵處王大臣請籌款練兵一摺已有旨諭令各省妥爲籌辦並將試行印花稅等兩條飭戶部議奏昨據御史姚舒密杜本崇及吏科給事中熙麟奏籌款流弊各摺現在時勢積弱非練兵無以立國亟應整軍經武切實舉行惟民困日深尤在培養元氣應就公家固有之利嚴杜中飽除弊節流以期款集而民不擾著責成戶部悉心統籌妥擬具奏○庚子曹鴻勳奏查案准刑部咨開議奏護理山西巡撫周爾巽奏請各省通設習藝所軍流徒犯卽在犯事地方收所習藝一摺光緒二十九年四月初三日奉 旨依議欽此等因咨行到黔遵卽行司欽遵核議去後茲據署按察使袁開第議詳前來臣覆查部議於原奏分別准駁外益以監禁罰贖二者相輔而行禁錮以濟工作之窮罰鍰以開自新之路法審慮周自應遵辦惟因地施治實有窒礙難行之處謹爲我 皇太后 皇上詳細陳之查黔省邊瘠與內地情形不同如強盜搶奪會匪棍徒四項大半有極邊煙瘴安置字樣貴州較內地爲多而本省盜犯罪係擬杖在籍收繫者亦復不少若照此次部章皆在收所習藝之列而通省合計每一府廳州縣以十名計之實不下七八百人貴州一糧儲道東西兩分巡道

照章應設習藝所三處每所約分二百餘名加以教習看管司事人役勢非搭蓋棚房數百間不敷居住而教習等必有工資各項工作又必有各項器具材料約計所費仍屬不貲當此餉需成分支絀之時斷無餘力籌此開款況此等罪犯半屬游惰里民非若外洋各國無不能一藝之人可比若謂藝成即可自食其力所餘並可充用慮非旦夕所可收效且考百之城且鬼薪莫不各有所事卽後之軍流徒所由起也如軍犯隸於邊衛不過爲兵丁執役坐夜支更徒犯歸於驛站不過餵養馬匹遞送公文等事雖係苦差而盡人可能若所解精而雕鏤編治粗而布縷縫織此等工業童而習之猶未必人人皆精今部議遣軍流罪各犯如係強盜搶奪官匪棍徒等項仍照定例發配軍犯監禁十年流犯五年限滿概收入習藝所皆令身帶重鎖充當折磨苦工計其監禁限滿歲多在中年以上兼以折磨之餘若使之學習力作手藝勢必不能且此等罪犯散則易制聚則難防貴州東西兩道一駐古州一駐畢節接壤川粵現值鄰邊游匪出沒無常如果照議設所聚此二三百名不逞之徒於一處平時之籍束既難過變則煽惑可慮至省垣重地尤不宜多聚罪人致生事變此罪犯習藝所之礙難遽設也至管杖徒流各犯捐罰免罪本金作贖刑之義於定例稍爲變通原屬可行第恐犯罪之人不必皆力能贖罪之人一經抑勒自弊叢生徒爲不肖官吏開一營私之路於公仍屬無補以事撥之終恐貧富失平易生怨讟未必減半而遂盡人能

贖也卽定例之原情准贖者亦不過一二大端餘則等諸虛懸使民知儆耳如創載罵詈抓毆罪應笞杖者何案蔑有豈能逐案責贖致滋苛累惟既經部議酌定章程擬卽通飭試辦並嚴禁抑勒其不能贖者仍照所犯治罪所入罰贖銀兩卽令按季册報如有絲毫弊混以及借端擾民者查覺從嚴參處變通之中仍寄慎重防維之意若監禁之法足消囚犯桀驁之氣又錮之使不能逃惟現在習藝所既擬緩辦應請嗣後強盜搶奪會匪棍徒等項等罪應軍流及軍流脫逃被獲各犯仍照部議新章於發配後分別年限監禁其餘犯亦照章監禁年滿再行安置鎖繫桿礮之犯均一體照辦下刑部知之○甲辰歲免山東濟南等府州縣錢糧○商部奏泰西向重商學列爲專門其爲商人者皆以經營貿易之圖視爲身心性命之事用能任重致遠凌駕五洲日本地處亞東風氣早開雖其物產之盛不逮中國其達而商業蒸蒸日上亦頗足與歐美抗衡縱覽東西諸國交通互市殆莫不以商戰角勝馴至富強而揆厥由來實皆得力於商會商會者所以保商情通商利有聯絡而無傾軋有信義而無詐虞各國之能孜孜講求者其業務之興如操左券中國歷來商務素未講求不特官與商隔閡卽商與商亦不相聞問不特彼業與此業隔閡卽同業之商亦不相聞問計近數十年間開闢商埠至三十餘處各國羣趨爭利而華商勢渙力微相形見絀坐使利權旁落浸成絕大漏卮故論商務於今日實與海禁未弛以前情事迥異臣等忝膺

恩命亟思振興商政上慰宸厪現在體察情形力除隔閡必先使各商有整齊莊一之規而後臣部可以盡保護維持之力則今日當務之急非設立商會不爲功夫商會之要義約有二端一曰剔除內弊一曰考察外情中國商人積習誠見狹小心志不齊各懷其私罔顧大局卽如絲茶兩項爲出口貨之大宗往往以微商急思出脫跌盤爭售而一二殷實巨商亦爲牽累其他貨物之作僞攙雜卒至虧本者難以枚舉有商會則亟宜聲明罰例儆戒將來此則剔除內弊之說也中國地大物博百貨殷闢特製造未精販運不廣利歸外溢急待挽回卽如玻璃紙張洋燭肥皂之類凡洋貨之適於民用者皆華商力能仿造之貨如果辦理得法逐漸擴充不徒自造自用並可詳探各國市情以廣銷路有商會則必應設公司藉圖抵制此則考察外情之說也惟商會之設其中詳細節目應由各商自行集議酌定簡章具報臣部查核至提綱挈領臣部實總其成入手之方端資提倡臣等公同商酌議擬商會簡明章程二十六條繕具清單恭呈御覽如蒙俞允卽由臣部刊刻頒行並擬勸諭各業之商務較巨者先在京師創設商會以開風氣之先至外省各業商人有能併心盡志籌辦商會者應實成該處地方官該商等將會章呈案時卽行詳報督撫咨部不得稍有延擱以順商情此項章程將來或有增改之處仍當隨時奏明辦理得旨允行○乙巳錫良奏准軍機大臣字寄光緒二十九年七月十五日奉上諭有人奏川藏危急

請簡員督辦川邊因鑒爲屯因商開礦等語著錫良查看情形妥籌具奏等因欽此伏念保固川邊此疆
臣欲求其策而不易得者也原奏籌慮周至但按切時勢則有深中窺要者亦有尙形隔膜者蓋百聞不
如一見卽奴才在川必向曾駐台藏文武徧加諮問復錄行商礦等局司道再四推求然後具知其實大
抵藏之急務固非屯墾商礦所能解其危迫川省力所能到與事所當爲均於議復桂霖具奏籌藏三端
摺內恭呈 宸聰今但論川之屯墾商礦等事分別能否試辦者不敢推諉不能辦者不敢遷就竊查微
外地非不風而樹藝不生草木不長者恆多間有可耕僅產稌麥非番屬之甘於荒蕪也冰雪彌望風沙
蔽天盛夏猶寒弗利稼穡故蜀民最勤於農事寧遠通秦黔而不來墾闢知其猶石田而無所種也今招
募之亦必不至若集商股恐無應者番地利於游牧羔犛等事以爲資業打牲馴藥而外絕少工藝變鹽
價賤並不取諸內地衣者種穠次曰褐惟漢民用布其數甚無幾也故官鹽布店斷然難設銷茶猶巨然
川商運至打箭爐而止窮荒販賣皆冒險阻而戰瘡以競錐刀柔脆者不堪其苦況川省榨茶已重無論
官運商運再事取盈倘微多而值昂立至印茶使入說者輒以礦產蘊藏甚富三壩等處本多採金之夫
儘一日之力贖其一身仍舊法以求之殆難增拓未經開鑿之處土司等惑於風水以爲神禁不可犯祖
訓不可違往往性命爭之其愚未易導誘也且川省展勘巴底巴旺等礦並在明正土司屬地積年開辦

虛糜公帑停廢無功然則非有歷著成效之升人不當輕舉而其人將於何處求之農商礦之難如此雖知其難苟有可圖又不容於不辦原奏巴塘土性沃衍宜於墾種訪之洵非虛言蓋氣候較溫又與岡巒而僑確者不同雖山來榛莽之區然人力當盡不得謂前次所未有遂謂後此爲難成奴才擬在該處先興墾務但以方里計之不過州邑之地較蒙地廣狹迥別未便率請 簡派重臣督辦應由奴才揀換巴塘糧員都司前往宣諭土司教諭番民結之以恩惠分之以利益並派打箭爐同知劉廷恕督率其事建昌道則常往爐城考察倘土司等反復強梗現有駐爐續備右軍兩營隨時調往彈壓如此威惠並用需以歲月或期底績惟究竟能開田土若干頃畝穀麥孰宜灌溉孰便均俟巴塘文武查勘後方得端緒而因銀爲屯之議更難先事計之要之舉此一隅供兵食者幾許印藏入川之路不必專由巴里塘大道也設團練於要荒之外設防鎮於廣漠之中豈非用意是而課效則非者哉但巴塘墾務既辦他處如能耕作推行較易牧政曠政又當次第考求似於邊務總有起色至於原奏請以左都御史清銳督辦川邊農商礦等事並將四川商務歸併一局夫以該左都御史之忠誠清亮奴才深喜分任之得人惟墾務規模尙隘而巴塘遠僻省城商礦合局事務繁賾遙隔斷難兼顧所請自毋庸置議川省商務奴才到川卽以現署臬司成綿龍茂道沈秉堃熟悉情形委令到局會同員紳日與續行凡於裕國而不累民者主持

必力應俟議辦粗瀝再行專案具報下部知之○興修京師觀象臺○丙午諭軍機大臣等有人奏安徽蒙城縣知縣謝士彤貪污謬戾縱差釀命霍邱縣知縣王嶽崧貪庸昏瞶殃民諱盜各節請飭查辦等語著誠勳按照所參各款確查具奏毋稍徇隱原片著鈔給閱看將此諭令知之○諭軍機大臣等有人奏江蘇鎮榆縣知縣徐樹鏞酒肆虐威迫人命縱庇丁役吞蝕各款請飭查辦等語著魏光燾恩麟按照所參各節確查具奏毋稍徇隱原片著鈔給閱看將此諭令知之○誠勳電致外務部浙江桐廬縣境因劫匪起謠民教猜疑匪徒煽誘滋事煽聚桐廬建德新城交界羣推濮振聲爲首奴才派營剿捕追及於分水於潛境內連次接仗擊斃多名勢漸分散乞代奏 上諭誠勳電奏已悉著嚴飭各營實力搜捕務獲匪首毋任漏網○張百熙等奏 上諭京師大學堂爲學術人才根本關係重要著卽派張之洞會同張緒二十九年閏五月初三日奉 上諭京師大學堂爲學術人才根本關係重要著卽派張之洞會同張百熙榮慶將現辦大學堂章程一切事宜再行切實商辦並將各省學堂章程一律釐定詳細具奏務期推行無弊造就通才俾朝廷收得人之效是爲至要欽此仰見 聖朝興學育才務求實際防微杜漸不厭推詳之至意 臣等曷勝欽服 上之洞伏查上年大學堂奏定章程宗旨辦法實已深得要領惟革創之際規程課目不得不稍從簡略以徐待者求增補至各省初辦學堂管理學務者既難得深通教育之法

之人而學生率皆取諸原業科舉之士未嘗經小學堂陶鑄而來不自知學生之本分故其言論行爲不免有軼於範圍之外者此次欽奉 諭旨命臣等將一切章程會同釐定期於推行無弊自應詳細推求倍加審慎數月以來臣等互相討論虛衷商榷並博考外國各項學堂課程門目參酌變通擇其宜者用之其有過涉繁重者減之每日講堂功課少或四五點鐘多亦不過六點鐘所授之學排日輪講少或四五門多亦不過六門皆計日量時以定之絕不苦人以所難中人之資但能循序以求斷無兼顧不及之慮至於立學宗旨無論何等學堂均以忠孝爲本以經史之學爲基俾學生心術壹歸於純正而後以西學淪其智識練其藝能務期他日成材各適實用以仰副 國家造就通才慎防流弊之意計擬成初等小學堂章程一冊高等小學堂章程一冊中學堂章程一冊高等學堂章程一冊大學堂章程附通儒院章程一冊原章有蒙學堂名目但章程內所列實卽外國初等小學之事查外國蒙養院一名幼稚園茲參酌其意訂爲蒙養院章程及家庭教育法一冊此就原訂章程所有而增補其略缺者也辦理學堂當首重師範原定師範館章程係就京師情形試辦尙屬簡略茲另擬初級師範學堂章程一冊優級師範學堂章程一冊并擬任用教員章程一冊將來京師師範館應卽改照優級師範學堂辦理此外如京師仕學館係屬暫設皆係有職人員不在各學堂統系之內原定章程應暫仍其舊將來體察情形再爲

酌定經久章程至釋學館卽方言學堂前經奏明開辦茲將章程課目一併擬呈其進士館係奉 特旨
令新進士概入學堂肄業此與仕學館意相近課程與各學堂不同而仕學館地狹無可展拓不得不別
設一館以教之茲亦酌定章程課目別爲一冊將來仕學館或歸併進士館或照進士館現訂課程改同
一律容隨時察酌情形辦理又國民生計莫要於農工商實業興辦實業學堂有百益而無一弊最宜注
重茲另擬初等農工商實業學堂章程一冊附實業補習普通學堂及藝徒學堂各章程中等農工商實
業學堂章程一冊高等農工商實業學堂章程一冊實業教員講習所章程一冊實業學堂通則一冊此
皆原定章程所未及而別加編訂者也又以中國禮教政俗本與各國不同而少年初等之士胸無定識
靡雜浮靡在所不免此時學堂辦法規範不容不肅稽察不容不嚴茲特訂立規條申明禁令編爲各學
堂管理通則一冊並將此時開辦各項學堂設教之宗旨立法之要義總括發明訂爲學務綱要一冊各
省果能慎選教員學則按照現訂章程認真舉辦則民智可開國力可富人才可成決不致別生流弊至
學堂畢業考試升級入學考試亦經詳訂專章中學堂以下及收入高等學堂者由督撫學政會同考核
高等學堂應升級者奏明 簡放主考官會同督撫學政考驗京城高等學堂比例辦理京師大學堂奏請
簡放總裁會同管學大臣考驗以昭慎重而免冒濫其獎勵錄用之法比照奏准鼓勵出洋遊學生於

獎給出力之外復請分別錄用章程亦經詳加斟酌擬有專章伏候 聖明裁定將來應即分別照章奏明辦理所有一切章程將來如有應行變通增損之處其大者仍當奏明辦理小者由管學大臣審定後通行各省照改謹將學務綱要各學堂管理通則畢業學生考試專章獎勵專章暨各項學堂章程分別繕寫成冊并開列章程名目次序清單恭呈 御覽如蒙 俞允應由管學大臣通行各省一體遵照辦理又奏 之洞本年春間會同直隸督 袁世凱具奏科舉阻礙學堂詳陳流弊一摺以奉 硃批交政務處議奏在案竊維 旨興辦學堂已及兩年有餘而至今各省學堂仍未能多設者經費難籌累之也公款有限全賴民間籌捐然經費所以不能捐集者由科舉未停天下士林謂 朝廷之意並未專重學堂也然則科舉若不變通裁減則人情不免觀望紳富孰肯解捐經費斷不能辦學堂斷不能多入學堂者恃有科舉一途爲退步既不肯專心嚮學且不肯恪守學規況科舉文字每多剽竊學堂功課務在實修科舉祇憑一日之短長學堂必盡累年之研究科舉但取詞章其器誼無從考見學堂兼重行檢其心術尤可灼知彼此相衡難易迥別人情莫不避難而就易此已早在 聖明昭鑒之中當此時勢艱危非人莫濟除興學堂外更無養才濟時之術若長此因循坐糜歲月國事急矣何以支持議者或慮停罷科舉專重學堂則士人競談西學中學將無人肯講茲 等現擬各學堂課程於中學尤爲注重凡中國

向有之經學史學文學理學無不包舉靡遺凡科舉之所講習者學堂無不優爲學堂之所兼通者科舉
皆所未備是則取材於科舉不如取材於學堂彰彰明矣顧或又慮學堂功課雖重積分之法而數定自
教員保無以愛憎而意爲增損殊不知學堂功課之優絀皆係當堂考驗全堂學生及學內執事人員衆
目共覩教員卽欲違衆徇私而公論可憑焉難掩飾也等尙恐偶有此弊故於中學考試歸諸學政主持
督同道府辦理高等學堂畢業則諸 簡放主考官同學務大臣考試並不專憑本學堂所定之分數如
是則中西之學既已兼賅固不患其偏重取舍之權仍在試官更不患其不公凡科舉掄才之法皆已括
諸學堂獎勵之中然則並非廢罷科舉實乃將科舉學堂合併爲一而已竊思就事理而論必須科舉立
時停罷學堂辦法方有起色學堂經費方可設籌惟此時各省學堂尙未能徧設從前大小各種學堂尙
未定有詳細完備章程故已設之學堂辦理未盡合法學生品類不齊或不免間有流弊其不欲遽議停
罷科舉者未始非老成持重之見然使此時一無動靜天下並未見 朝廷將來有遞減以至停罷之明
文實不足以風示海內士民用收振興學堂之效也等公同商酌擬仍查照 臣之洞會同袁世凱原奏分
科遞減之法籲懇 天恩明降 諭旨布告天下將科舉舊章量爲變通從下屆內午科起每科遞減中
額三分之一暫行試辦一面照現定各學堂章程從師範學堂入手責成各省實力舉行認真整頓至第

三廂壬子科應減盡時尙有十年計其時京外各省開辦學堂已過十年以外人才應已報出且科舉既停天下士心專注學堂籌辦經費必立見踴躍如有辦理無效及尙滋流弊者應由學務大臣隨時考核咨行各該督撫嚴行覆查將不得力學務人員分別參處庶幾學堂日有起色以期仰副 朝廷造就真才實事求是之至意茲擬遞減科舉辦法分條臚陳如左一鄉會試中額請自下屆內午科起每科分減中額三分之一俟末一科中額減盡以後卽停止鄉試一學政歲科試取進學額請於鄉試兩科年限內兩歲考兩科考四次分減每一次減學額四分之一俟末一次學額減盡卽行停止學政歲科試以後生員卽盡出於學堂一科舉停止後會試總裁改於大學堂畢業考試時奏請 簡放分別內外場考試鄉試主考改於各省高等學堂畢業考試時奏請 簡放分別內外場考試一科舉停止後各省學政毋庸裁撤卽令會同該省督撫考察整頓全省學堂功課並中學堂以上選錄學生及畢業考試等事務以昭慎重查日本各處皆有視學官正與學政之名義相合一科舉既議停減舊日舉貢生員年在三十歲以下者皆可令入學堂肄業三十歲以上至五十歲者可入師範學堂之簡易科若三十歲以上既不能入學堂並不能入師範簡易科者及年至五六十者擬請自下科起舉人於每科會試後大挑一次或揀發一次並多放謄錄分送各館俾得議敘其大挑揀發未入流之舉人及恩拔副歲優各項貢生均比照

學廉方正例准其就職分別用爲州同州判生員亦准比照已滿吏考用爲佐貳雜職分發各省試用其
年在六十以上不能與考者酌給虛銜至經生寒儒文行並美而不能改習新學者可選充各學堂經學
科文學科之教習每屆三年查其實有成效者比照同文館漢文教習例給予獎敘如此則舊日應科舉
之老儒亦不至失所矣似此量爲變通暫行試辦於科舉僅止徐加裁抑而學堂並可頓見振興且於年
歲已長不能入學堂之舉貢生員復爲之寬籌出路京官之任學差者如故其放試差者且更增多尤屬
毫無窒礙合無仰懇 宸斷俯賜施行俾全國臣民確見裁減科舉歸重學堂辦法咸曉然於 朝廷意
嚮所在則必人人爭自濯磨相率而入學堂以求實在有用之學氣象一新人才自奮轉弱爲強實基於
此大局幸甚 上諭方今時事多艱興學育才實爲當務之急前經諭令張之洞會同管學大臣將學堂
章程悉心釐訂妥議具奏茲據會奏臚陳各摺片條分縷晰立法尙屬周備著卽次第推行其有應行斟酌
損益之處仍著學務大臣會同張之洞隨時詳核議奏至所稱遞減科舉及將來畢業學生由督撫學
政並簡放考官考試一節使學堂科舉合爲一途係爲士皆實學學皆實用起見著自內午科爲始將鄉
會試中額及各省學額按照所陳逐科遞減俟各省學堂一律辦齊確有成效再將科舉學額分別停止
以後均歸學堂考取屆時候有遵行卽著各該督撫趕緊督飭各府廳州縣建設學堂並善爲勸導地方

逐漸推廣無論官立民立皆當恪遵 列聖訓士之規謹守範漸端正趨向不准沾染習氣誤入奇袤一切課程尤宜認真講求毋得徒事皮毛有名無實務期教學相長成德達材體用兼賅以備國家任使有厚望焉將此通諭知之○丁未諭朕欽奉 慈禧端佑康頤昭豫莊誠壽恭欽獻崇熙皇太后懿旨禮部奏元旦禮儀一摺元旦令節皇帝率王公百官著在皇極殿行禮停止筵宴其在外公主福晉命婦均著進內行禮○改管學大臣為學務大臣○命大學士孫家鼎充學務大臣○調伍廷芳為外務部右侍郎轉陳璧為商部左侍郎調顧肇新為商部右侍郎○以剿辦朝陽土匪出力予承德知府曹景邨等升敘有差○戊申諭軍機大臣等有人奏奉天東流水開渠一事屢被參奏大半局員英凱唐建義貪劣所致等語著延杰按照所參各款確查具奏毋稍徇隱原片著鈔給閱看將此諭令知之○漕運總督德薛卒予祭葬賜卹如巡撫例賞其子福建興泉永道延年以應升之缺升用○以陸元鼎為漕運總督○己酉福建水師提督楊岐珍卒予祭葬戰功事蹟交國史館立傳賞其子主事楊銘勳以員外郎用○以效曾為江蘇布政使恩銘為江蘇按察使○以曹志忠為福建水師提督張相泰為福建甯鎮總兵○戶部奏光緒二十九年十一月初六日軍機大臣面奉 諭旨奕劻等奏籌款練兵各摺片內指撥加稅及舉辦印花稅兩條著戶部妥議具奏欽此欽遵鈔交到部據原奏清單內稱一指撥加稅查二十七年八月

戶部奏定分派賠款聲明將來各海關稅銀悉數值百抽五增出數目應將各省派定賠款之數酌量核減等語現各省遵辦派定賠款均有指定的項其不足者甚屬寥寥自不必輕議核減自上年冬季開辦切實值百抽五暨加徵向例免稅各物約計通年所增不下五六百萬擬請自明年起先將戶部原定指撥各項作為賠款之三百餘萬兩悉數改撥作為練兵經費以新稅所增抵部原定之款計有盈無絀至免釐加稅現值英美日本均有成約俟舉辦後每年關稅所加應抵補各省所短收釐金之數但各省裁釐後尚可抽收出產銷場等稅至少可抵釐金三成則關稅所加僅核七成撥抵即符釐金所失之數所有盈餘稅款一概撥作練兵專餉不准各省另行挪用一飭行印花稅查環球各國無不舉辦印花稅蓋此項稅款在民商交易時黏貼印花少者一文多者數文買賣兩造絕無苦累而銅銖累積由極細集成鉅款立法甚善等與各國人討論生財之道莫不首舉此項稅為最便最良之法中外諸臣條陳舉辦者甚多前以大局粗定尙無指用專款曾經奉 旨飭各省從緩舉辦現值籌餉艱難急若燃眉宜請明降諭旨飭各省仍行舉辦即由財政處擬定章程參仿各國成法刪其繁瑣疎其條例並體查各省情形酌派定數以定賞罰奏明後行文各省妥籌辦理俟試行有效再逐漸推廣以期餉源日開兵力日增等語臣等伏查各關加稅一項曾於光緒二十七年十一月二十三日欽奉 諭旨前據劉坤一等會奏

賠款數鉅籌費艱約計洋稅加足值百抽五並洋煙酒食物一律收稅加以常關歸洋關徵稅約共增銀四百五十萬兩再加漕折百萬共五百五十萬兩按照戶部奏派賠款約有三成籌解等語當經照准原以半年籌解可資騰挪茲據奕劻等奏賠款仍應按照公約每月籌解足數自不能核減三成著仍照部撥十成原數按月解滙不得諉延致滋口實等因欽此欽遵在案今慶親王奕劻等奏稱此項加稅通年不下五六百萬兩請自明年起先將戶部原撥賠款三百餘萬改為練兵經費以新稅所增抵部原定之款等語查各關加稅自開辦至今先後兩年第一年收數據江海關彙報共祇二百餘萬現在新舊洋債鎊價不敷全恃此項加稅勉強彌補若將加稅盡抵各省原派賠款銀數則鎊價不敷實屬無從取給惟第二年收數尚未據各關舉報倘日後收數日旺於彌補鎊價外實有盈餘或鎊價另有彌補之法即當另款提出以備挹注至印花稅一項環球無不舉辦誠如原奏各國生財之道莫不以此項為最便最良之法惟各國上下情通中無隔膜警察胥有學問有稽察而無擾累中國警察尚未普辦其舉行之處亦多以捕兵巡役改充警學尚未精深稽核恐難得力並以人情浮動謠詠易興今春直隸甫議舉辦即不免遠近惶惑幸蒙 諭旨從緩辦理是現在民情尚未大順輸納恐難踴躍已在 聖慈洞鑒之中今奉 明詔從緩辦理未及一年又令舉辦亦非示信於民之道擬請仍遵三月十四日 諭旨將印花稅

從緩辦理一俟各省警察辦成之時卽由沿江沿海各督撫先於通商大埠商賈繁盛之區查照原奏所請參仿各國成法刪其繁瑣疎其條例察看情形妥定章程奏明試辦如果辦有成效不致擾累再行逐漸推廣以昭慎重而裕餉源正核議間復奉 諭旨以練兵需餉責成 臣部統籌妥議就公家固有之利嚴杜中飽除弊節流等因事體重大頭緒紛繁擬由 臣等悉心籌議詳細另陳總期欸集而民不擾以仰副 朝廷振興戎政體養民生之至意得 旨允行

東華續錄

光緒一百八十五

臣朱壽朋敬編

臣章圭璩恭校

十二月辛亥諭軍機大臣等俄日相持益急如竟決裂勢難自當妥籌辦法除奏直並要各地方應由北洋統籌布置派兵嚴防外所有沿海沿江沿邊各口務須加意扼防慎固封守各省匪黨游勇伏莽孔多誠恐妄造謠言乘機作亂致別國藉口復生他變尤宜預為防範並飭屬認真保護洋人財產教堂倘有奸徒煽惑即行嚴飭懲辦勿稍疎虞○甲寅 上諭 奉先殿 壽皇殿行禮○商部奏臣載振於光緒二十九年三月二十五日奉 上諭通商惠工為百今經國之要政急應加意請求著派載振袁世凱伍廷芳先訂商律作為則例等因欽此仰見 朝廷慎重商政力圖振興之至意維時伍廷芳在上海會議商約載振曾與函商先將各國商律擇要譯錄以備參考之資旋於七月十六日奉 旨設立商部伍廷芳復承 簡補授工部侍郎於八月間來京等與之公同籌議當以編輯商律門類繁夥實非剋期所能告成而目前要圖莫如籌辦各項公司力祛曩日渙散之弊庶商務日有起色不致坐失利權則公司條例亟應先為妥訂俾商人有所遵循而臣部遇事維持設法保護亦可按照定章駁辦是以起

連先期擬商律之公司一門並於卷首冠以商人通例於脫稿後函寄直隸督臣袁世凱會商在案嗣准軍機處交片內開十一月十一日奉 上諭袁世凱奏差務太繁請開去各項兼差一摺商務商律現已設有商部即著責成該部詳議妥訂等因欽此並准該督咨同前因自應欽遵辦理茲將商律卷首之商人通例九條暨公司例一百三十一條繕具清冊恭呈 御覽如蒙 俞允即作為 欽定之本由臣部刊刻頒行此外各門商律仍由臣等次第擬訂奏明辦理現在伍廷芳奉 旨調補外務部侍郎臣等深悉該侍郎久歷外洋於律學最為嫻熟嗣後籌議商律一切事宜仍隨時與該侍郎會商以期周妥得旨允行○丙辰 上詣 中正殿拈香○諭軍機大臣等誠勳奏因災請緩安徽各州縣錢漕一摺朝廷念切民依如果災歉屬實一經該督撫奏請蠲緩無不立沛恩施乃近年各省所陳緩徵各處幾若視為常例不肖州縣每多捏報成災以完作欠積習相沿年年照報名為例災實則民間已經完納於是劣紳大戶得以挾制官長抗不完糧國家蠲下蠲緩之詔閭閻並無實惠可沾致使維正之供徒歸中飽而豪強之包抗吏胥之需索復從而因緣為奸詭寄飛灑盤剋欺侵病國病民賦稅日絀種種弊端實堪痛恨況當大局艱難練兵籌餉迫不能緩之時豈容長此弊端該督撫等受恩深重各藩司糧道均有督徵之責嗣後務各激發天良慎選賢能痛除惡習澈底清查其實係被災者由該管道府確切勘明仍准分別

綢緩如故扶同欺隱屢參重懲其向報例災之處逐一確查據實徵收毋許捏飾不咎既往嚴杜將來以副朝廷實事求是之至意將此通諭知之○諭岑春煊奏特參知府等官貪婪酷虐請分別懲處一摺廣西前南甯府知府惠榮勒財濫殺縱容幕友捐指江蘇知縣姜思燮招搖納賄喊款累累經岑春煊訪查明確實屬貪酷之尤惠榮著卽行革職永不敘用並發往新疆充當苦差姜思燮著一併革職永不敘用另片奏參代理廣西桂平縣知縣華照藉案勒索呈控有據華照著卽行革職永不敘用並發往軍臺効力贖罪以昭儆戒○戊午以趙國賢爲廣東潮州鎮總兵趙倬爲雲南普洱鎮總兵○戶部奏光緒二十九年十一月十九日奉 上諭前據練兵處王大臣奏請籌款練兵一摺已有旨諭令各省妥爲籌辦並將試行印花稅等兩條飭戶部議奏昨據御史姚舒密杜本崇及吏科給事中熙麟奏籌款流弊各摺現在時勢積弱非練兵無以立國亟應整軍經武切實舉行惟民困日深尤在培養元氣應就公家固有之利嚴杜中飽除弊節流以期款集而民不擾著責成戶部悉心統籌妥擬具奏欽此欽遵由軍機處寄信前來臣等伏查本年十一月初六日練兵處王大臣具奏籌款練兵辦法內指撥加稅及舉辦印花稅兩條均奉 旨覆議業經戶部繕摺覆奏在案其限提錢價稅契並攤派重徵煙酒稅兩條均奉 旨通飭各省妥爲籌辦今御史姚舒密杜本崇給事中熙麟先後具奏或謂加派鉅款民力難勝或謂隱患方深

請免加徵或謂激使避捐爲嚴嚴備雖措詞各異而恤民固本用意略同欽奉 諭旨責成臣部悉心統籌妥擬仰見 聖謨廣運折衷至當曷勝欽服 臣等竊維非練兵無以自強而練兵必先籌餉謹遵 訓就公家固有之利嚴杜中飽除弊節流各節悉心統籌妥擬以期集款而民不擾舉其大端分爲十條一嚴核各省錢糧查每年各省丁漕約共額徵銀三千一百餘萬而短徵缺額之數常在五六百萬其中有報水衝沙壓分別豁除停緩者有報水旱成災分別蠲免緩徵者有報丁逃戶絕拋荒年久未經徵徵者官吏因緣爲奸捏災捏荒弊端百出卽如河南一省共報水衝沙壓地畝停緩銀十六萬七千餘兩內多指爲中工墾工闢儀工等處決口所致其實黃河決口堵塞以後昔年漫決之地早經涸復半屬膏腴而承此業者多係巨室富紳久踞無糧地畝官不過問推之江南等省奏銷所列掃豁錢糧者恐亦不免此弊此報水衝沙壓豁除停緩之不實者也又江甯一省共報拋荒缺額因兵停緩等銀八萬餘兩安徽一省共報荒田緩徵等銀二十萬八千餘兩山西一省共報有主無主荒地豁除停徵等銀十餘萬兩甘肅一省共報荒地無徵銀六萬五千餘兩陝西一省共報荒地豁除等銀四萬餘兩或以咸豐同治年間寇亂爲詞或以光緒丁丑山西大股爲詞試問此數十年來休養生息戶口繁滋何至從前拋荒地畝至今全未墾熟猶每歲仍報荒缺銀數萬數十萬不等顯有捏飾且民間買賣地畝多有取巧飛漏等弊貧

者賣田售主勒捐少撥錢糧如賣田十畝祇令撥糧五畝而優給價值賣者實一時之利售田十畝於人留五畝之糧於己迫無田不能完糧急而逃遁糧無著落又有富家糧多議分數戶每年納糧僅一二戶餘則串通糧差不認不完久之無可稽者而所分之戶錢糧亦無可著落此報丁逃戶絕拋荒年久未經徵繳之不實者也至各省因水旱成災分別蠲緩錢糧少或數萬多或數十萬年年報災年年蠲緩報災之分數略同蠲緩之銀數亦略同謂之例災其蠲緩錢糧率皆州縣私徵入己上下朋分謂之喫災此等弊端各省大抵皆然而河南江西江蘇浙江等省爲尤甚此報水旱成災分別蠲緩之不實者也又各省每年遇災荒蠲緩之外無故而報民欠未完者亦復不少實則民間何敢抗欠錢糧其中有劣紳大戶包完錢糧而本身則延欠不完者此外大抵欠在書差者爲多定例州縣經徵錢糧祇准差役下鄉查催不准差役包納乃牧令竟有希圖多收錢糧可沾餘利預將串票裁給書差下鄉查收或名爲截糧或名爲包糧或名爲撈串此輩執串在手勒索鄉民不止停徭而交官則仍有短欠其短欠成數每皆不相上下一若有例可循者故名爲民欠實爲差欠且徵收考成不及一分或僅及一分者處分亦甚輕州縣遂不其措意此報民欠未完之不實者也以上種種積弊或在官吏或在劣紳或在書役若得督撫大吏慎重賢良各就地方情形破除情面認真釐剔不難立增鉅款光緒十年臣鹿傳霖在河南巡撫任內嚴禁

州縣報例災該年地丁卽多增銀三十餘萬兩近時江蘇辦理清賦每年亦多徵銀六十萬兩是其明證擬請 旨飭下各省將軍督撫飭司道各將該省錢漕積弊詳細查明妥定章程遴選得力州縣設法切實整頓提官吏之中飽禁劣紳之包抗除胥役之舞弊認真逐漸查辦不准稍有徇隱如辦有成效准其酌量保獎倘敢仍蹈故轍卽行從嚴參處以昭炯戒並將擬定各項除弊章程分別具奏並報部立案毋任推延當此時艱日亟 宵旰憂勞於上各將軍督撫諸臣受 恩深重自當公忠體國力崇節儉杜絕酬應廉正率屬先以本署辦公餘款酌提若干報効歸入公款以爲之創並飭缺分較優之藩司運司關道糧道均各量力酌提歸公然後查提州縣之中飽則上行下效以身作則自必羣相觀感是又在各將軍督撫等督同司道各就缺分之優劣酌定提歸公款數目自行奏明辦理非臣部所能適度也一酌提各省雜稅查各省牲畜竹木等項雜稅名目甚繁向由各府廳州縣設立局卡派人徵收多少報部核請 旨飭下各省將軍督撫派委廉幹大員前往各府廳州縣切實查核去其小者留其大者或仍責成該府廳州縣徵收或另以委員徵收明定章程發給三聯印票以杜隱匿酌給人役薪水以資辦公所收雜稅除開支薪水外悉數解交司庫不得稍有徇隱以期積少成多一清盤兩淮鹽產鹽斤額銷鹽引查道光年間淮南原定每年額銷一百九萬餘引淮北舊額新增亦共歲銷四十六萬引同治年間淮南始

減五十九萬餘引淮北亦減爲二十九萬餘引近年淮南加增二萬餘引統計現在淮南北每年共應額九十二萬餘引而兩淮通泰海三分司所屬各場無闕之年額定產鹽九十五萬餘引比較額銷引數已多三萬餘引乃近年兩江總督奏報兩淮產鹽缺溢考成則歲溢產之鹽多或五六十萬引少亦二三十萬引其兩淮鹽課鹽釐奏銷則通計每年不過銷鹽七十餘萬引以視每年產鹽實數祇及其半不知此項每年多產六七十萬引之鹽究竟銷於何處若非場岸各官與商人朋比分肥何以竟置不問大抵同治初年軍務甫經平定淮南北所派引數原難遽行規復道光年間額額迄今休養生息已閱數十年兩淮應銷鹽引實與道光年間無異乃因額引較少且無考成以致私充官索流弊滋多卽如已革海州運判徐紹垣假公營私致將淮北官鹽積壓數綱是其明證應請 旨飭下兩江總督轉飭運使卽將各場溢產鹽斤究竟如何銷售切實查明設法整頓務期化私爲官以裕稅課一整頓兩浙鹽務查蘇松常鎮太五府州屬原定額銷二十九萬餘引現在共祇歲銷十二萬餘引比原額尙少十七萬餘引何以昔年銷引甚多而近年銷引甚少其中顯有不實不盡之處卽如光緒九年浙西徵收溢課一項至十八年始經奏明儘數歸公非嚴以核之則此無定之溢課亦終不知歸於何處又如上海租界一隅居民逾三百餘萬卽以人日食鹽二錢計之約歲可銷鹽四萬引而該省所報上海南匯兩縣共祇歲銷五千餘

引未免過於短絀又兩浙三十二場毗連四十五州縣獨仁錢等十六州縣設行肩佳引票科則其輕與該省商運引票大相懸殊其中老少籌鹽一項不徵課款又與肩佳引票不同說者謂此肩佳籌三項均爲易私射利之徑有礙鹽法以上各節應請 旨飭下浙江巡撫轉飭運使卽將浙西引額迅速規復舊制以裕課帑並將肩佳引票及老少籌鹽一律改爲商票以杜私銷其上海租界並令挑選色白味佳之鹽前往銷售勿任成爲廢岸自贗利權此外兩淮山東等處或爲倉岸或爲民運亦與兩浙肩佳情形相同應令各該督撫詳細查明認真釐剔並將如何釐剔之處擬定章程報部覈復一覆查甘肅鹽釐查甘肅與陝西爲鄰省陝西西同商乾四府州屬歲銷河東引十五萬九千八百二十一道額徵正課雜課海防經費包釐加釐籌餉加價按引攤捐加價等項共銀四十四萬餘兩花蒙各鹽行銷甘肅全省並分銷陝西之興漢鳳邠各屬俱由甘肅權釐抵課乃祇歲報鹽釐三萬餘兩較之陝省四府州屬所徵銀數不及十分之一又甘肅原設額引七萬二千六百八十八道每引配鹽自一百七十八斤五兩至二百斤二兩不等折中勻算每斤權釐八文每年應權錢十萬串有奇約合銀七八萬兩今祇歲報徵銀三萬餘兩覈計亦不相符其中不實不盡已可概見且甘肅爲受協省分與雲南相同雲南鹽務初亦徵不足額自光緒二十一年雲貴督臣岑春煊辦理節稱提價以來鹽務日有起色歲徵正課雜課溢課鹽釐開費加價

共銀一百一十三萬餘兩同爲邊徼之地該督臣昔日既能整頓雲南鹽務今日卽能整頓甘肅鹽務應請旨飭下陝甘總督通籌甘省鹽務情形應如何變通盡利之處迅卽妥議章程奏明辦理以肅釐政而裕餉源至新疆鹽盤向無報部專案惟該省既辦百貨釐金工食一項自當在百貨釐金之內若仿吉林辦法將此項鹽稅提出另行核實徵收當可湊成鉅款應請旨飭下該撫察看情形妥定章程報部核辦以裕餉源毋任中飽一酌辦各省加丁加閘引額課款查各省錢糧均有過閘加徵之例而鹽課則惟雲南一省過閘加增其餘各省均不加閘殊非情理之平且兩淮催鹽分數亦係過閘加增而運鹽銷售則與無閘之年無異亦未免自相矛盾至各省引額原係計丁核算今戶口日增而引額如故且並有銷不足額者尤非核實之道應請旨飭下各鹽政查照雲南鹽課加閘辦法及康熙以來按丁加引成例卽將引額課款分別加增其銷不足額應照長蘆兩浙鹽務章程責成商人照數包繳以期核實而昭平允一核提漕務開款查漕項之結幫者有贈貼行月食耗本折月糧等項外有苦蓋枋木松板輕齎諸兒錢修倉鋪底等項今各省多係改折而各款未盡歸公其弊一民間逾限不完按石加價名爲提充地方之公用實則多入州縣之私蠹其弊二江浙海運既督之以二糧道又分設滬局津局通局派委總辦幫辦提調支應文案催兌監兌各項人員且多盤紳董於其中既濫列保舉又坐糜薪水其弊三擬請

旨飭下有清各省督撫將限外完漕加價及漕項雜款未經報部充公者據實查明悉數提出充公其江浙海運各局員弁亦即大加核減並將所用紳董全行刪除此項節省薪水按年報部候撥毋得稍有瞻徇一清查沙田沙洲地畝查廣東沙田例應五年清丈一次自道光二十八年清丈起至光緒十七年止歷年開墾所收花息變價等銀約共一百餘萬兩光緒十八年該省設立清佃局以後究竟開墾若干收銀若干迄今總未報部果能切實招墾繳價收息必可增款數十萬又江蘇安徽兩省濱臨江海各沙洲或應十年清丈一次或應五年清丈一次光緒二十五年及二十八年江蘇安徽各巡撫均有清丈之奏究竟現在如何辦理亦未據奏報其餘湖北江西浙江等省或名沙地或名蘆地或名蘆洲或名蕩田均有清丈開墾之例而所報升科銀數亦屬寥寥此等洲地早成熟田或為土棍把持或為紳富占踞或以蘆課為影射而避重就輕或以荒沙為支飾而以多報少若一律認真查勘繳價納租不難立增鉅款裨益餉需應請 旨飭下各該督撫慎選賢員妥議章程切實勘丈分別等差按畝繳價先行納租酌定年限升科毋任推延並將如何辦理情形奏明立案不得畏難因循以盡地利而裕餉源一變通四川土藥稅釐辦法查各省土藥稅釐收數以四川為大宗而徐州次之四川每年收銀三四十萬兩徐州每年收銀三十萬兩左右歷據造報有案然四川全省百餘州縣較之徐州一府八州縣實屬大小懸殊乃四川

徵收土藥稅釐比較徐州所增無幾若非造報不實卽係偷漏走私之太甚亟應切實整頓或仿照官運鹽務辦法或設立公司成總收買將應完稅項扣收足數再行分售商販則涓滴歸公不難加增鉅款百餘萬應請 旨飭下四川總督悉心籌畫所有該省土藥能否由官籌款設局收買轉銷抑或招集商股設立公司總收分售以免偷漏而旺稅釐迅速妥議開辦奏咨立案勿稍延緩此外各省凡向產土藥之處各該督撫一體籌議章程設法抽收毋使偷漏總期稅收日旺款項加增是爲至要一暫停不急工程查同治八年至光緒二十年 臣部因籌餉維艱先後四次奏准將一切可緩工程暫行停止等因在案現在部庫入不敷出萬分艱窘擬照歷年成案將各處不急工程暫行停止以資周轉除 頤和園 奉宸苑工程係奉 旨動用土藥稅釐 普陀峪萬年吉地係由 臣部另籌專款放給並現在已經奏准興修各項工程均分別緩急酌量籌撥此外應請 旨飭下工部內務府及在京各衙門上顧 國家物力之艱下念 臣部轉籌之苦凡各處工程應行動支庫款而尙未經奏准興修者均自此次奉 旨之日起一概暫行停止以資撙節而裕度支以上停止不急工程一條係屬節流其餘擬核各省錢糧等九條均係就公家固有之利杜其中飽除其積弊但各省情形不同或此有而彼無或此無而彼有或 臣部所指猶有遺漏應由各該將軍督撫切實查明認真辦理以期款集而民不擾此次整頓各款均自光緒三十年

爲始無論新增若干均卽全數提出按年補充練兵之用其甘肅新疆鹽務所增之款卽抵協餉屆時由部照數劃撥惟理財以得人爲要應令各該將軍督撫遴選賢員妥定章程設法整頓辦有成效應准擇優保獎辦理不善亦卽分別撤參以昭勸戒並將所定章程先行奏咨立案毋任遲延致誤餉需 上諭

現在時事多艱國勢稍弱各省伏莽未靖蠢動堪虞非練兵無以衛國亦非練兵無以保民比年以來迭經諭令各省裁汰綠營改練常備續備各軍近復特簡慶親王奕劻等辦理練兵事宜於京師設立總會之處期收畫一整齊之效惟練兵實爲急務籌餉尤屬艱難凡軍中食用所需何在非吾民膏血現當閭閻困敝豈忍再朘民生是以前此練兵處臚陳籌餉各條僅以酌提中飽加收煙酒等捐飭令各省照辦嗣復諭令戶部就公家固有之利除弊節流統籌妥議茲據詳細復陳各摺片著卽依議辦理朝廷深維至計非念民依宵旰焦勞難安寢饋朕仰承 慈訓躬行節儉爲天下先近年宮廷用款實已力從撙節仍著內務府再加核減每年約當省出若干並著工部內務府將一切不急之工概行停止勻出的款以濟要需此外大小臣工以及富商大賈如有願捐鉅款准其照章優獎至戶部所擬各條均清釐於定例之中並非搜括於正款之外各該督撫身膺重寄休戚相關司道各官亦皆同受國恩務當各抒忠赤共念時艱精白乃心廉正率屬毋徇情面毋受欺朦如有巧宦劣紳把持阻撓卽加以懲治倘能實力奉

行確有成效不特兵餉有資卽近年各省項細之捐亦可逐漸停緩總期去一分積弊裕一分餉源卽保
我民一分元氣不得意存敷衍延宕塞責用副簡練軍實體恤民艱至意○辛酉貽穀奏奴才督辦蒙旗
銀務西爲烏蘭察布伊克昭兩盟東爲察哈爾左右兩翼經劃三千餘里操縱二十餘旗一切創立規模
動需款項到督之始卽以經費爲慮雖於上年三月間與升任山西撫臣岑春煊會籌西盟銀務情形摺
內議及於荒價外另增三成作爲經費准該盟允否開渠尙不可知安能待耕而後食而其時鹽鎮寶達
押荒局徵存無款並難措注幾有無米爲炊之勢幸賴岑春煊顧全大局力爲籌墊俾得藉以開辦嗣
奉會籌察哈爾右翼蒙旗之命復咨山西謀督臣袁世凱借撥押荒舊款未盡之局始開經始之難如此
今者察旗兩翼聖利暢興伊盟七旗節次推辦亟應將先後設局及員司書差夫役等額數並各項開支
數目章程敬爲我 皇太后 皇上縷晰陳之查奴才於光緒二十八年行抵山西省城僅隨帶兵部司
員差及擬調之京外各員等經營始事時雖未開局而無事不資議辦未便令在事諸人枵腹從公當
暫由山西酌發津貼用款無多及四月奴才赴口外歸化察其地尙適中設立行轅爲奴才駐紮之所例
用文武巡捕印官各員揀派差官通事人等並因利弊所關要在隨時隨地耳目能周遂有總查稽查之
設其隸行轅之局有文案收支兩處一爲統司文牘往來一爲統司款項出入而東西並舉端緒紛繁尤

非有總司墾務之區承轉其間不足以資統攝是以仍於歸化設有墾務總局俾豐鎮寧遠西盟各分局歸其統轄以上行轅文案收支總局統於光緒二十八年五月初一日開辦其豐鎮寧遠係辦察哈爾右翼墾務舊有押荒局設於豐鎮奴才亦由上年五月初一日接收辦理另行擬定擴充章程奏明在案嗣以寧遠廳所屬之鑲紅鑲藍兩旗距豐較遠兼顧爲難遂於上年十月二十日另立寧遠分局亦經附摺陳明若西盟墾務先於上年八月間在包頭鎮設立一局籌布始基未經多派人員及伊盟就議蒙地可開始於本年五月二十日派齊員司人等先行擇地開辦修渠招墾並分收伊盟各旗認墾地段各事宜俟推行漸遠再隨時審度情勢另立分局至察哈爾左翼墾務係奴才貽穀會同奴才奎順奴才魁福等另辦之件上年奉旨後卽行籌議至上年十月初一日始於張家口開局倡辦此先後設局日期之實在情形也蒙地地方遼闊墾務頭緒紛紜無一處一事不需人料理勢不能不廣收策力分任責成然奴才已減之又減惟於歸化總局張家口局委用總辦會辦各二員其他各局總會辦每處祇用一人若幫辦之幫同辦事臂人之有左右手每處均設一二員餘如提調爲一局樞紐除行轅文案收支各項揀派外他局則必不可少或一員或二員以繁簡爲衡至應用各項委員各就應行分辦之事依實定名如行轅文案爲文件總匯之所則以立稿摺案收發編譯爲重行轅收支爲款目總匯之所則以綜核支應主

稿察案爲重他如各局之主稿收支稽核總丈測繪抽查轉運招徠編譯掌案等項在在均關緊要尤應及時分委收衆舉易舉之功降至司事通事書差夫役人等各局多寡不同無非以敷用爲準此擬定各局差額之實在情形也用人須求得力必使之有以自給而後可嚴其責成以荒寒朔漠之區重以奔走霜途之役人方望而生畏若復省節於薪水工食其誰能堪兼之僻處邊隅百物騰貴數倍內地尤不得不量予體恤差本苦於各項常差而口外差更與他處差不同開支薪工何敢過刻然亦未嘗爲盈滿之施雖糧之各局總辦月薪不過百兩會辦幫辦則七十兩五十兩而止提調委員以次遞減至於書差夫役工食之給更微乎其微至房租柴炭總爲局費之需心紅紙硃尤切辦公之用均卽分別核定俾免虛文尤要者書差下地不無車費馬乾向口旗委各員勘指丈撥往往支應於地弊端日出匪伊所思今則私費一概捐除若勿優給川費而徒責以任重服勞勢必無能爲役卽然而巧黠之徒難保不朦混欺侵自私自利將省費而反以虧公也是以體察情形酌中定擬其製造一項如總弓旗幟標營鐵微羅盤珠算凡此所必需之件價值未便預估亦必動用核實此酌定薪工川費及辦理一切製造之實在情形也丈量地畝隨處需兵彈壓奴才未專招集隊開墾近直者借用直兵開墾近晉者借用晉兵惟蒙境購食維艱人每憚爲墾役此項隨處彈壓之兵當擬每名每日給銀四分添給口糧所費不多而得

力甚大亦一時量爲變通之事又蒙旗開舉動與地方有交涉事件直督邊疆實其呼應亦宜有酌給津貼之處至如揀調蒙旗各員隨同指界分界理結蒙衆各案供我馳驅自當恤其身力微予津貼又事理所應有此又分別支用各項津貼之實在情形也尤有請者奴才督辦東西疆務東則難於清盤而並難於開恬喻之以利尤須勵之以情犒賞燕飲之聯歡報贈往來之禮數權宜所用動費不資加以口外教堂林立幾於無地無教一有弗遂輒懷爭端又必加意撫循使知感戴而外人游歷教士過從更無在不優禮相加篤外交之誼凡此動用似私實公已於部議月給奴才公費內隨時支付如有不敷仍請恩准作正開銷俾可迅赴事機不至左支右絀奴才憂心時局籌拓利源每於無可節省之中爲權宜通融之計如棚帳要需借用而不備承審差額先減而後增均經詳註單內未敢稍事銷張蓋於各局減一分開支卽爲國家濟一分正用若浮冒報銷奴才且心焉恥之不過蒙聖事體繁重無論如何撙節亦須期於可行又不能因小而遺大節流而致失源也下部知之○壬戌 上詣 大高殿祈雪○癸亥山東利津縣寶海莊黃河漫口合龍○乙丑諭前據御史高潤生奏參直隸署新城縣知縣錢澄燾等各款當經諭令袁世凱等確查茲據查明覆奏錢澄燾雖查無貪婪實據惟聽斷不慎信任家丁招搖弊混永清縣知縣李振鈞虛糜勇餉捕務廢弛均著卽行革職餘著照所議辦理該部知道○諭前據御史張元奇

奏參安徽巡撫誠勳貪黷各款當經諭令魏光燾確查茲據查明覆奏均屬傳聞之誤誠勳著免其議
總兵費金組擅離防次出境迎送著交部議處准補麗水縣知縣李寶桂辦事草率工於逢迎著即行革
職餘著照所議辦理該部知道○諭袁世凱奏請開去會辦練兵差使一摺現在時事艱難練兵為當務
之急前有旨派慶親王奕劻總理練兵事宜以袁世凱近在北洋派令會辦原以該督於兵事夙所請求
特加委任惟當任怨任勞挽回積習認真整頓毋稍推諉所有練兵一切事宜著隨時會商慶親王妥籌
辦理以副朝廷整飭戎行之至意所請開去練兵差使之處著毋庸議○丁卯諭軍機大臣等有人奏江
南吏治窳敗兵防廢弛據實糾參一摺所有單開各員劣款著魏光燾按照所參各節逐一確切查明據
實具奏毋得迴護徇隱原摺單著鈔給閱看將此諭令知之○己巳以山東利津縣寧海莊黃河漫口合
龍予知府呂耀夏等升敘有差○庚午命大理寺少卿張亨嘉充京師大學堂總監督○命張亨嘉仍在
南書房行走○辛未奕劻等奏本年十一月初六日軍機處片交給事中熙麟奏請復詹事府等語軍機
大臣面奉 諭旨政務處會同吏部議奏欽此並將原奏鈔送前來查原奏內稱詹事府既裁以祭酒為
翰林院升階不特滿缺文班繙譯動多窒礙即漢缺目前已苦壅滯將來亦難疏通滿缺外班內轉辦法
亦多周折不如仍將詹事府議復轉似循轍易行各等語臣等伏查詹事府自漢迄明皆為東宮官屬

國朝則專備翰林官升轉之階上年正月二十七日欽奉 諭旨詹事府沿前明官制名實本不相符應
卽歸併翰林院等因欽此仰見 朝廷循名責實之至意該給事中所稱壅滯壅礙各節自是實在情形
定例詞臣遷轉自歸一途本與他曹迥異翰林院詹事府兩衙門迭爲遷轉自三品以至六品品級俱備
自四品以下正從俱備等秩粲然既奉 旨停補詹事府各缺則自編檢至閣學中間遂少三品六品兩
階於是翰林院有品級斷缺之疑吏部復有開列變通之請此外臣工條奏疏通壅滯者尤多臣等上年
會同吏部議請以祭酒升爲三品以備遷轉但由七品至五品由四品至二品員缺不少僅此祭酒司業
兩缺升階不敷遷轉況成均課士之職與文學侍從職掌本不相同又繙譯各員向無開列祭酒司業之
例至滿缺讀講學士之升閣學向列京堂之後外班傳補向有庶子洗馬中允贊善各缺今則僅留侍講
一官壘議變通仍多窒礙伏讀乾隆十七年 諭旨詹事府乃東宮僚佐其官原可不設第以翰林院敘
進之階留備詞臣遷轉等因欽此故緣 聖訓詹事府本可不設而詞臣敘進不可無階前次欽奉 詔
旨歸併翰林院是衙署不應分設而官缺自可酌留臣等謹遵 諭旨歸併之意博參衆論詳考齋章擬
請於翰林院補設三品官滿漢各一缺升侍讀學士爲正四品升侍讀爲正五品增設侍讀侍講滿漢各
一缺補設六品官滿漢各二缺查自詹事至贊善停補者滿漢共十八缺現在請復設者滿漢僅十缺編

檢本是實官不過增加品級與別衙門添缺者不同如此則班次既得疏通開列亦無窒礙如蒙 俞允補設正三品官擬請定名為翰林院學士其升轉開列比照詹事正六品官擬請定名為翰林院撰文滿缺比照中允贊習辦理漢缺由編檢升轉其開列比照中允原有撰文差使即名為撰文處行走仍作兼差以別於實官至祭酒向係從四品升為正三品既補設正三品之學士則祭酒仍應復為從四品遇有侍讀學士缺出與侍讀學士較率開列其滿侍讀一項仍照奏定新章比照開列庶子之例用內班二次輪用外班一次其餘各項升轉開列均改歸舊例辦理該給事中所謂復詹事府各官之處應勿庸議得旨如所議行○壬申軍機大臣欽奉 慈禧端佑康頤昭豫莊誠壽恭欽獻崇熙皇太后懿旨著袁世凱迅速調齊各營嚴防沿海及關外一帶該督即親赴榆關居中調度以固封守不必來京請訓直隸總督日行公事著運司暫理○癸酉以范德元為貴州鎮遠鎮總兵○錫良奏奴才本年閏五月在直隸正定府途次即將擬由川省設立川漢鐵路公司以保利權等情專摺奏蒙 敕下外務部議覆該部亦以川省物產充盈水陸轉運節阻滯非修鐵路以利轉輸恐商務難期暢旺請俟設立商部後切實招商專集華股妥定章程奏明辦理等因奴才先於馳抵湖北宜昌後會舟而陸藉以查看由鄂入川之路接篆後詢訪川省百物蕃昌而民間生計之艱公家權盤之絀皆因商貨不暢所致故雖暫候商部頒行定

法不得不思慮預防早爲區畫但川漢鐵路其關係之大不獨川省爲然才前摺已經詳陳入川以來體察地方情形深悉民情囑動士習浮囂拳匪雖屬就平而伏莽滋多動輒借端思逞倘不自爲舉辦不惟利權坐失抑更防護難周設非自爲主張斷不能靖邊陲而消聲隙正籌議間適准商部來咨業經重訂鐵路簡明章程二十四條奏准咨行照辦查各條內其宗旨在於重國家之魁柄全華民之利益其辦法則或官商集股請辦或華洋附搭股分皆須地方官查明是否公正殷實尤須督撫查明此路確於中國商運有所裨益且於現定章程無所違背者卽咨會該部酌核辦理川漢軌道紆迴修阻以及山徑之逼仄險峻或視蘆漢爲過之明知款鉅工艱祇以事勢危迫不容緩辦必應設立公司奏明得旨允行然後人人知事之必成無慮旁撓豪奪俾集款勘路次第可以措手奴才現已在川設川漢鐵路公司遴任署藩司馮煦爲督辦並揀會辦數員以輔之悉取物論所歸者倡率乃能有濟一切遵照商部章程先集華商股本將來推廣或附搭洋股或添借洋款務與部章吻合隨時咨會商部辦理川路關係全局倘其始不慎將來跋前疐後恐有悔之無及者擬將勘路估工等事即日興辦務飭委辦各員實力籌集期於全路告成並非空言抵制於以上副 朝廷建軌利國利民之至意下部知之○丙子諭現在日俄兩國失和用兵朝廷軫念彼此均係友邦應接局外中立之例辦理著各省將軍督撫通飭所屬文武並曉諭

軍民人等一體欽遵以篤邦交而維大局毋得疏誤將此通諭知之 局外中立條規 中國政府聲明
特別事宜如後開列各項 一由北京至山海關各國留駐兵隊以保海道通暢係按光緒二十七年三
月念五日即西歷一千九百零一年九月初七日各國和約辦理仍應遵守此約原有宗旨不得干涉此
次變局之事 一凡寄居本國局外境內之他國人如有私行接濟兩國禁貨有礙本國局外之責者
應由地方官設法禁止或知照該管領事等官分別究辦 中國官民應一律禁止有礙局外事情如後
開各項 一本國人民不得干預戰事暨往充兵役 一民間船隻不得往投戰國或應招前往辦理緝
捕轉運各職司 一不得將船隻租與於戰國或代爲安裝軍火或代爲布置一切及幫助以上各事以
供其交戰及緝捕之用 一不得代戰國購辦禁貨或在境內製造禁貨運銷戰國或陸海軍所有禁貨
如後列各項一敵彈鉛丸火藥及各項軍械二硝磺及製造火藥各種材料三司充戰用之船隻及其材
料四關涉戰事之公文 一不得代戰國載運將弁兵卒 一不得以款項借給戰國 一船隻非避風
患不得擅入戰國所封之口岸 一船隻駛入戰疆不得抗拒戰國兵船之搜查 一不得爲戰國探報
軍情 一除戰國各項船隻在中國口岸購辦行船必需之物應遵守後列各專條外不得售糧食煤炭
於戰國 中國應享局外之權利如後開各項 一中國仍得與兩戰國通使往來如常 一中國得設

兵防堵本國疆界 一戰國不得稍犯中國作為局外之疆界 一戰國不得封堵中國口岸 一中國所發給之護照文憑兩戰國均當照准 一中國人民仍得與戰國通商如常苟非用兵處所皆可前往貿易 一中國人民寄居戰國境內者其身家財產均仰該國保護不得奪其資財或勒充兵役 一中國人民如有僑居戰國封堵口岸者本國得派兩船前往保護或接載出口 一中國船隻得運載戰國公使及平民 一中國船隻所載戰國之貨物及戰國船隻所載中國之貨物苟非軍例所禁者可以往來無阻 一中國船隻所載軍器若係專為自護之用者不得以禁貨論 一中國船隻雖載有禁貨若係運往局外之國或運自局外之國者戰國不得截留 一中國船隻倘經戰國拿獲不得逕行入公應先經戰國法衙審詢如果係犯禁方可按例懲治如係誤拿應由戰國賠償損害其償額由該戰國法衙判定 一中國得派官員前往觀戰惟不得有所干預 戰國陸海軍如有在中國局外境內者應遵守後開各項 一戰國陸軍如有敗逃入中國境內應收其軍械聽中國官員約束不得擅自行動 一戰國逃兵在中國境內者如乏衣食中國政府當量力供給俟戰事告終再由本國如數償還 一戰國之緝捕船隻不得駛入中國海口地方惟因暫避風患或修補損傷或購求行船必需之物實出於萬不得已者不在此例一俟事畢即當開出該地方 一戰國兵船不得於中國各海口地方交戰或緝捕商船

或屯留該處爲海軍根據之地 一戰國兵船及軍需運船有駛入中國海口地方者如係尋常經過並無他意方准其駛入平時所准進出之口岸限二十四點鐘內退出若遇風浪危險難以出洋或修補損傷未能完竣或購辦行船必需之糧食煤炭尙不足駛至最近口岸之數則應聽中國水師統將或地方官酌展期限一俟事畢卽當退出 一戰船國兵及軍需運船不得帶領所捕獲之船隻駛入中國口岸惟或因避風或修補損傷或購求行船必需之物件實出於不得已者不在此例一俟事畢卽當退出惟停泊之際不准使俘虜登岸及銷售所屬船隻物件 一戰國不得在中國海口暨陸地局外疆界招募兵隊及購辦兵器彈藥及他種戰具如遇有戰國兵船在中國海口修補損傷其工程以能達最近之口岸爲度 一兩戰國兵船及軍需運船如在中國之口岸內其後到之船應俟前船出口經一晝夜奉有中國水師統將或地方官之命令方准前往○論現在日俄兩國失和與中國開衅京外各處地方均應照常安堵本日業經明降諭旨按照局外中立之例辦理所有各省及沿邊地方著該將軍督撫等加意嚴防慎固封守凡有通商口岸及各國人民財產教堂一體認真保護隨時防範倘有匪徒造謠滋事卽著迅速查拿從嚴治罪京師地面重要著步軍統領衙門工巡總局順天府五城御史嚴密巡查切實彈壓俾鋪戶居民各安生業所有各國使館教堂尤應加意保護倘有不肖匪徒妄造謠言藉端滋擾

即行緝拿審訊輕者按律懲處重者立即正法以昭儆戒京外各該衙門皆有地方之責務當嚴申禁令
消患未萌毋得稍涉疏懈用副朕輯和中外綏靖閭閻之至意○諭昨據御史汪鳳池奏陳大計一摺據
稱此次口俄開戰設因東方御擾或以西巡之說上煩聖聰若誤聽其言人心惶駭羣情渙散等語現在
口俄兩國失和並非與中國開衅京師內外照常安堵何至有巡幸之舉該御史輒以此等無據之辭輕
率陳奏實屬不明事理汪鳳池著傳旨申飭嗣後如有妄造謠言淆惑衆聽者著步軍統領衙門順天府
五城御史一體嚴拿懲辦以靖人心○諭肅親王等著御前大臣差務較煩著開去步軍統領並工巡局
差使步軍統領著那桐補授並管理工巡局事務○丁丑雪○戊寅禘祭 太廟 上親詣行禮○己卯
上詣 大高殿報謝○命載振傅迪蘇爲御前大臣○命榮慶爲軍機大臣○是年韓國新餽駐華使
臣樸齊純抵任尋回國參書官樸台榮署理○英吉利國使臣薩道義回任○羅馬教皇必約遣使來告
卽位○統計出口貨直銀二萬一千四百三十五萬二千四百六十七兩進口貨直銀三萬二千六百七
十三萬九千一百三十三兩相抵虧一萬一千二百三十八萬六千六百六十六兩凡徵貨稅銀三千五
十三萬六百八十八兩

光緒三十年甲辰春正月庚辰朔寅刻 上詣 泰先殿 堂子行禮辰刻 慈福端佑康頤昭豫莊誠

恭欽獻崇熙皇太后御景極殿 上率王公百官行慶賀禮已刻御中和殿受禮太和殿受賀午刻詣

大高殿 壽皇殿行禮○諭上年順大直隸各屬被災地方業經分別蠲緩糧租小民諒可不至失所

惟念今春青黃不接之時民力未免拮据加恩著將被災歉收之武清等州縣各村莊應徵本年春賦地

丁錢糧等項並原緩光緒二十九年及節年地丁錢糧等項分別緩至本年麥後及秋後起徵其坐落武

清天津二縣地方之津軍應徵源課納糧地畝並歸入該二縣災歉村莊一律辦理以紓民力該督卽按

照原奏開明詳細數目刊刻膠黃徧行曉諭務使實惠均沾毋任吏胥舞弊用副朝廷賑卹布閭嘉惠畿

疆之至意該部卽遵諭行○壬午 上詣 泰先殿 壽皇殿行禮○松壽奏奴才渥叨 恩命再任熱

河都統查熱河籌議政制一摺奴才上年與前都統錫良商定會奏在案錫良在任時舉辦一切均有頭

緒其中未盡節目尤宜隨時變通務期悉臻妥善熱河幅員太廣內靖萑苻兼控蒙部號稱難治非隨時

約束終恐宿弊復萌籌款一節無非取之地方雖近搜括均爲保護閭閻起見似卽以人治人之道爰舉

上年未竟之緒切實經營至是尙有成效可觀所籌之款較初辦時亦有起色各屬安謐實可以上慰

宸廑現在整理實在情形謹爲 皇太后 皇上縷晰陳之一曰吏治伏思民生凋敝實由官邪熱河仕

途最雜各州縣官無自然之利以是簞簞不飭盜賊恣行奴才上年蒙 恩署篆時與前都統錫良商定

非大加淘汰不足以澄清吏弊亦不足以育養黎元其劣跡有據者劾之使去吏擇其廉隅自飭奮發有爲者用之本年奴才重臨熱河見人員太少曾奏請添發卽用知縣十員以供驅策並奏調安徽道員來熱差委各在案當時一切陋規既已禁革又恐州縣各官等無力辦公爲之統籌津貼地方恍於法而知所向爭自琢磨無敢踰越軌範治熱河要領不外乎此其餘奏請添設之建平阜新兩縣已由奴才派員前往試辦新改之朝陽府亦經咨商直隸督臣袁世凱一律添設降化縣一缺則因圍場進西人煙寥落擬從緩置此熱河近日吏治之實在情形也一日軍政熱河旗營從未講求操練不足以備緩急直隸派防之各營分駐朝建各處邊荒遼闊兵額又屢經裁汰大有鞭長莫及之勢以是各屬匪徒出沒防不勝防今就強勝軍馬步四營由旗員自行教練本年五月挑選將弁十名兵目二十名送往北洋將弁學堂肄業八月挑選旗兵五百名咨送北洋配練軍習操由北洋酌定年限餉章俟各弁兵習成後再行籌建武備學堂擴充加練經奴才先後附片奏明熱河新募練軍四營每營足額五百以二營駐紮熱境適中之赤峯地方加意操練得以居中控制作爲游擊之師以一營分紮圍場各緊要處所專事緝捕奴才於熱河選衛隊一百名嚴加訓練有事皆可就近策應又慮地方遼闊外匪竄入勾結爲患嚴飭各州縣舉辦鄉練使民自爲衛本年兩次派員帶隊剿匪與青山黑山等處練兵相輔而行頗資得力所需鎗械

子藥按營配發刻下練習不多尙可敷用此熱河近日軍政之實在情形也一曰興學熱境僻陋非廣開學堂無由轉移風氣上年會奏承德府先行開辦中學以爲各屬之倡業照大學堂通行章程於本年二月開學聘定中西教習分門指授購置有用書籍存儲堂中以供學生觀覽奴才按春夏秋冬季考一次試其文義漸就雅馴英法文字測算等學粗有途徑諸生中皆有志向學每於季考時勉以勤求實學蔚爲有用之才仰副 聖朝育才之至意尤戒以謹守範圍端正趨向不得沾染習氣誤入奇袤諸生均能恪遵規則其餘各州縣小學堂飭令地方官設法開辦惟口外瘠苦籌款太難同時并舉勢實有所不逮此熱河近日學堂之實在情形也一曰理財熱河地方本無歲入正款創辦各新政動須支應練餉及官員津貼學堂經費最爲要需他如貢院考棚經費新設之求治局交涉局營務處軍械所緝捕巡查各處官弁均需薪餉糴監獎賞製造軍裝添購鎗彈需款尤急奴才前與錫良籌商奏請仿照直隸奏准章程勸辦酒捐與粟畝捐鹽捐四稅改歸地方經理均係就地籌集前都統錫良遵照奏案辦理後經奴才責成求治局督辦道府各員逐件綜核並委員分往各屬認真稽查毋任書差人等滋擾舞弊籌款之餘仍存恤商之意各款中以酒捐爲大宗各項零星湊集四稅除照常撥給並添解理藩院辦公飯銀外不無盈餘近又議添設寬境之森吉圖稅局業於十二月十六日附片奏明將來有無成效尙難逆睹

現各煤審課銀嚴防奸商蒙隱亦有增加商辦各礦因無成效升課者寥寥奏請官辦之密雲鄉等礦雖無大利亦不至賠累統查各項入款較前頗有起色年計得二十餘萬舉辦各項新政經費不虞支絀以後年穀順成邊境安堵大可如常收放此熱河近日籌款之實在情形也至於綏定蒙旗每思宏宣 朝廷德意務使藩服知 恩永作北門屏蔽前喀拉沁各旗預備旗費均經設法籌墊先後奏請借支放給各礦向給蒙旗山分銀兩近日蒙旗困苦奏請由礦課項下加提一成以示體恤遇有案件則秉公執法不稍假借恩威並用各蒙旗咸遵約束此又辦理蒙旗情形也謹就職守所在竭力整理熱河地方實在情形恭摺具陳報聞○癸未諭上年山東被災各州縣業經分別蠲緩錢漕小民諒可不至失所惟念今春青黃不接之時民力未免拮据加恩著將被災之濟寧等州縣應徵本年上忙錢漕租課等項均分別緩至本年麥後及秋後起徵其坐落該州縣境內之寄莊皂課與裁併衙所並永利等場均隨同民田一律辦理以紓民力○山東利津縣北岸王莊黃河漫口○甲申 上御乾清宮美國使臣康格英國使臣薩道義法國使臣呂班德國使臣穆默日本國使臣內田康哉義國使臣嘎釐納比國使臣姚士登和國使臣希特斯親見賀年○上御乾清宮大西洋國使臣白朗毅親見呈遞國書○予故廣西思恩府知府馮德材列入國史循吏傳○乙酉 上御乾清宮稅務大臣赫德主教官林懋德劉克明親見賀年○丙

戊 上御乾清宮美國使臣康格帶領精琦等覲見○柯逢時奏廣西匪亂由於吏治不修然吏治之所
以不修非盡官之不肖實山缺之不均甘苦相懸趨避不免中材以下大抵皆然廣西如太平泗城鎮安
等所屬州縣道路既遠水土極惡可入之款歲或不及二千金往返川資動耗其半所出或且倍之任斯
缺者無不視為畏途負值雖清求還為幸於是多方諉卸敷衍終年日求受代安望其盡心民事整理地
方頽靡相仍禍亂遂伏又如臨桂蒼梧等縣地居衝要供億繁多體察情形不得不予以調劑於是優瘠
之缺例有更替而皆不可以久居用人者不惟為地擇人且不能不為人擇地又較優之缺所有平餘入
款大半皆在冬漕若以漕交卸則賠累滋多不均尤甚至於道府各缺除兼管關廠稅項者經費尙充其
餘如左右江道柳州思恩南寧太平等府皆清苦異常供張節壽之費不得不仰給屬吏遂至賢者無所
養其廉恥不肖者遂得肆其貪婪旬稽饋幣無不山茲而起卽如巡撫學政藩臬兩司衙門支入之款養
廉而外亦俱填府不僅名稱決有未安取與均屬非義惟用度較鉅供億繁多自宜寬籌藉存體制且免
滋他弊以肅官常 與各寅僚再四商酌惟有將通省院司道府州縣各衙門視缺繁簡道途遠近按月
酌定公費卽就各衙門本有入款均勻支給養廉亦歸入計算照章勻支定章以後不准於公費之外另
立名目收取分文違者以贓私論各州縣地丁項下向有坐支佐俸役食祭品廩糧等項照舊留支臣頓

在桂林設立廣西官銀錢號收發司局外款擬於梧州潯州南寧柳州等府一併設立分號凡各官公費准其在附近官號支領各缺入款亦均解交官號收儲抵用綜計每年共應支銀五十九萬四千兩各缺原有入款約共銀六十八萬三千五百兩通盤合算尙屬有盈廣西通行花銀每百兩較庫銀少十兩有奇擬一律以花銀撥給留此餘款以備偏災之不足又各州縣開呈入款如有名目不正者尙須核明禁革遇有應辦差使查明果係因公亦准由官號支付各官到任之始並准另給一月公費作爲資斧及置備什物之需上司到任不准絲毫累及州縣州縣到任不准絲毫累及商民凡封船隻索夫馬購器具送酒席盡行革除總令缺況相均足敷所用雖邊遠之地亦可久於其任庶任事者無所藉口自愛者亦有所資自各激發天良勉圖稱職奔競營求之弊可不禁而自治於吏治或有起色下部知之○戊子時享太廟 上親詣行禮○己丑諭魏光燾奏統兵大員營務廢弛請旨革職一摺統領南洋常備左軍雲南提督張春發駐防清江控扼衝要應如何力圖振作加意操防乃該提督玩視營務所部馬步各營疾弱充數經魏光燾派員點驗兵勇名冊大半不符操演陣法不成行列似此營務廢弛喪心昧良實堪痛恨僅予革職不足蔽辜張春發著卽行革職發往軍臺効力贖罪所有常備左軍前已有旨派令道員村和接統著該督飭令認真訓練務當掃除積習期成勁旅另片奏參常備左軍中營管帶守備張高陞

巧於鑽營諸事刻核右營管帶游擊張奇能包藏營私尅扣軍餉著一併革職永不敘用該部知道○辛卯祈穀於上帝○以夏辛酉爲雲南提督○李經羲電致外務部正月初六日據署遵義府知府劉寅浚飛稟府屬仁懷縣三岔場地方有妖匪袁清芬袁均芬弟兄傳習邪教聚眾起事等情前來當即飛飭西路防營及地方文武督飭兵團剋期撲滅並嚴飭認真保護各教堂不得稍有疏失復由省防飛檄常備中營宋振鐸馳往查辦乞代奏 上諭軍機大臣等李經羲電奏悉據稱仁懷縣屬地方有妖匪聚眾起事等情著該撫嚴飭所屬各軍趕緊分別剿辦並著錫良就近飭營越紮以防竄擾務將該匪徒迅速撲滅並督飭認真保護各教堂毋稍疏虞○壬辰調李安堂爲山東登州鎮總兵以吳鳳嶺爲直隸通永鎮總兵○癸巳 上詣 奉先殿 壽皇殿行禮○吉林將軍長順卒予祭葬贈太子少保銜賞一等輕車都尉世職入祀京師賢良祠戰功事蹟交國史館立傳賞其孫一品廕生榮源以郎中用○以富順署吉林將軍○諭軍機大臣等御史溥琦奏直隸常備各軍開調逃潰一摺著練兵處查明具奏原摺鈔給閱看將此諭令知之○戶部奏准政務處咨稱議覆軍機處片交戶部代遞主事王伊條陳籌餉一摺於光緒二十九年十一月十八日具奏奉 旨依議欽此並鈔錄條款知照前來 臣等詳閱議覆各款內除官捐等四條毋庸核議捐復一條應由 臣部會同吏部兵部另行妥議具奏外其職官捐升一條內尚有

未盡詳備各節應由臣部參酌例案妥定章程惟此次暫行推廣各條係專備練兵要需原與尋常捐輸不同政務處原議均令在部庫上兌無論何省概不准援照奏請卽由臣部兌收此項捐款亦應另欸存儲以備練兵處隨時提取抑臣等更有請者臣部現擬籌收金欸以充鑄幣之需嗣後如有捐生在各省報効鉅欸由各該省將軍督撫府尹奏請獎給官職者一概令繳庫平足金如蒙 特旨允准仍由臣部飭令將此項金欸解交部庫俟銀庫兌收後再由臣部知照吏部註冊至收捐期限擬請以此次奉 旨之日起定限一年限滿卽行停止又奏出使俄國大臣胡惟德條奏整頓幣制摺內有添鑄金幣之請所陳利害各節頗極詳盡近今請求財政者亦多謂中國宜鑄金幣以滿銀幣之窮臣等詳加參考現在環球各國皆已用金中國獨無金幣金貨銀賤交易諸多受虧非開鑄金幣不能抵制惟鑄金幣應豫先籌集金欸日本未行金幣以前卽先積金十年始行開鑄中國民間藏金甚富祇以國不用金徒銷耗於金器金飾之用且近年流出外洋者亦復不少亟宜籌收集之法以充鑄幣之需查此次政務處奏准捐復捐升及遇缺先花樣擬請按照收捐各銀數一律搭收庫平足金五成以交金一兩抵交銀三十二兩核收至推廣捐復各員內如有祇准捐復原銜不准捐至原銜以上更不准捐復原官并情節較重仍爲此次推廣所不及以及本無官職者如願報効鉅欸應先赴臣部具呈由臣部核定數目概令全數繳金卽

行請 旨如蒙 恩准再由臣部兌收如此量爲變通庶可籌集金款得 旨允行○丙申諭丁振鐸奏
藩司意見偏執聲名平常據實密陳一摺雲南布政使李紹芬縱容丁役需索門包於各屬領解款項加
添火耗苛扣入己上年周雲祥竄擾臨安一案該藩司橫生異議幾至債事似此貪婪執拘殊屬辜恩溺
職李紹芬著卽行革職以示懲儆○丁酉以劉春霖爲雲南布政使袁開第爲雲南按察使○己亥諭丁
振鐸等奏特參總兵玩寇殃民嫉功冒餉請從嚴懲辦一摺雲南普洱鎮總兵高德元剿辦緝邊驅匪
調度乖方挾私玩縱以致軍士怨憤匪勢猖獗損失良將附近居民慘遭焚殺百十人並有擄獲民寨賊
營牲畜焚索投誠禮物情事種種不法經該督委查辦復飾詞狡展欺罔貪汙寶坻痛恨所請革職發往
軍臺不足蔽辜高德元著卽行正法以昭炯戒丁振鐸林紹年著交部查議○諭前據陝西學政沈衛奏
參道員郭人漳苛罰慘殺各款當經諭令崧蕃確查具奏茲據查明覆奏陝西候補道郭人漳年少喜事
恃才擅專委辦要案並不會商地方文武妥辦竟敢重刑誅戮勒罰鉅款致多冤抑碑坪廳通判鐵柱罔
恤民艱顛倒是非曲爲迎合著一併革職餘著照所議辦理○庚子諭軍機大臣等外務部代遞總稅務
司赫德條陳一摺據總稅司稱練兵籌餉以地丁錢糧爲大宗若竭力整頓卽用此款練兵并可舉辦各
項要務按里計畝按畝計賦令每畝完錢二百文確可經久百姓亦不受絲毫擾累等語現在財用匱乏

幾於羅掘俱空一切應行要政如練兵等事尤爲萬不容緩之舉需款更殷而應切實通籌期有良法著該督等按照所陳各節體察情形悉心會商逐條覆議妥速具奏原節略著鈔給閱看將此通諭知之○乙巳岑春煊等奏廣西游土各匪往來竄擾處處須防處處須剿勇營疲於奔命而匪徒仍乘間焚劫不能兜捕淨盡臣春煊迭次電奏摺奏擬飭各屬自募親兵并經飭柳州慶遠兩府屬州縣先行試募親兵百名辦匪略著成效惟餉無的款頗難持久臣達時未到任時先經奏請由州縣自募親兵抵任後飭局籌議各屬募齊歲需餉械約銀六十萬兩一時實難籌措伏思綠營習氣極深久成虛設西省各標協營兵丁迭奉諭旨裁汰現計通省尙存馬戰兵二百五十七名步戰兵二千零二十名守兵三千一百八十一名零星分布且多疲弱而歲支餉銀十二萬餘兩米二萬餘石徒糜餉糈全不得力臣等往返商酌廣西撫標擬酌留中軍參將及都司守備千總把總各一員馬步兵各四十名廣西督標酌留中軍參將及守備千總把總各一員馬兵二十名步兵三十名柳慶鎮總兵駐柳州府本係新設擬請裁撤而以現駐左江屬百色之右江鎮總兵移駐柳州以現駐南寧之左江鎮總兵移駐百色俾兩鎮之名與地名適合兩鎮鎮標均酌留游擊千總各一員馬兵各十名步兵各十六名其餘官兵一律全裁應發俸餉擬截至光緒二十九年年底爲止騰出之款應准撥作各州縣親兵餉需不敷之數另行設法湊給如此一轉

移間化無用爲有用於軍務實有裨益至裁出弁兵如有精壯可用熟悉匪情者准由各州縣自行招用俾免廢棄其官階較大及無可位置者或留營差遣或咨部候選再當由臣等分別酌辦緣營額設馬匹本應變價歸公惟一時難變且爲數無多擬卽賞給各馬兵以示體恤得旨允行○丁未 敦宜榮慶皇貴妃薨○戊申諭軍機大臣等理藩院奏卓索圖昭烏達盟長請將兩盟徵求事件仍照向章辦理重大案件由該州縣會同扎薩克審訊暨整頓團防仍由扎薩克辦理據情代奏各一摺著松壽按照所陳各節確查情形奏明辦理原摺均著鈔給閱看將此諭令知之○調增崇爲正紅旗滿洲副都統以卓凌阿爲正黃旗漢軍副都統○己酉雪○以 慈禧端佑康頤昭豫莊誠壽恭欽獻崇熙皇太后七旬萬壽慶典停止本年胡齋秋齋人犯旬決